

漢  
魏  
叢  
書

一  
三



逸周書序

史以事辭勝如以事而已則自周秦以  
逮于今體無論繁簡辭無論工拙而是  
非善敗興壞之端備見于史何可廢也  
如以辭而已則自左氏內外傳子長孟  
堅二書以及於范曄陳壽而下遂無足

論然吾以為皆不能當左氏左氏所紀  
載雖斷自東遷以後而彼其時去古未  
遠所稱引多三代盛時微言遺事迄今  
讀之若揭日月而行千載其博大精深  
之旨非晚世學者所及固道法所存而  
六藝之羽翼也等左氏而上之則無如

世所稱汲冢周書者周書七十一篇自  
劉歆七略班史藝文志已有之而汲冢  
叢自晉太康二年得書七十五篇其目  
具在無所謂周書此書當仍舊名不得  
繫之汲冢楊用脩太史論辨甚覈茲可  
無論其文辭湛深質古出左氏上所不



必論若豐謀世俘諸篇記武王謀伐殷  
與克殷俘馘甚衆往往誇誕不雅馴疑  
兼周戰國之士以意參入之然吾觀文  
傳柔武和寤大聚度邑時訓官人王會  
職方諸篇其陳典常垂法戒辨析幾微  
輟叙名物亦有非叔季之主淺聞之士

所能彷彿者蓋文武周公所為政教號

今概見此書固不徒以事與辭勝而已

也丘明氏以博物君子抒藻摛辭臣素

王以垂不朽千載而下誦法素王者不

能舍左氏故諸家訓詁犁然甚具而周

書視左氏辭特深奧流俗畏難好易不

復研覈孔晁一註寥寥及今亦頗多謬  
誤矣楊用脩太史嘗序是書以傳顧未  
嘗一為叅合雖授子讀之不無遺憾乃  
稍加叅訂正其舛誤其不可以意更定  
者仍闕之以俟博聞之士說者謂尚書  
暮自孔子而此逸書者劉向以為孔子

所論之餘若不足存嗟乎是書不知當  
孔子刪與否其指誠不得與經並然其  
事則文武周公其文辭則東周以後作  
者不逮也蓋不離屬辭紀事而道法猶  
有存者謂尚書百篇而外是書無一語  
足傳于經吾猶疑之安得以一二駁辭

鳳集  
卷之六  
四

盡疑其為孔子所誦遂真不復道哉自  
六藝以下文辭最質古者無如是書與  
周髀穆天子傳諸篇而是書深遠矣然  
皆殘缺漫漶不甚可讀蓋去古日遠綴  
文者喜為近易故時俗之言易傳而古  
語日就脫誤有足歎者予既刻是書因

為叙之如此姜士昌仲文序

晉陵趙鳳光書

逸周書序

昔在文王商紂並立困于虐政將弘道以弼無道作  
度訓殷人作教民不知極將明道極以移其俗作命  
訓紂作淫亂民散無性冒常文王意和化服之作常  
訓上失其道民散無紀西伯修仁明耻示教作文酌  
上失其道民失其業□□凶年作糴匡文王立西距  
昆夷北備獫狁謀武以昭威懷作武稱武以禁暴文  
以綏德大聖允兼作允文武有七德文王作大武大  
明武小明武三篇穆王遭大荒謀救患分災□大匡

此有脫簡

□□□□□□□□□□□□□□□□□□□□□□

難論典以匡謬作劉法文王卿士諭發教禁戒作文

開維美公命于文王修身觀天以謀商難用保開文

王訓乎武王以繁害之戒作八繁文王在鄴命周公

謀商難作鄴保文啓謀乎後嗣以脩身敬戒作大開

小開二篇文王有疾告武王以民之多變作文倣文

王告武王以序德之行作文傳文王既没武王嗣位

告周公禁五戒作棗武武王忌商周公勤天下於大



小開武二篇武王評周公維道以爲寶作寶典商謀  
啓平周周人將興師以承之作艷謀武王將起師伐  
商寤有商傲作寤傲周將伐商順天革命申喻武義  
以訓乎民作武順武穆二篇武王將行大事乎商郊  
乃明德□衆作和寤武寤二篇武王率六州之兵車  
三百五十乘以滅殷作尅殷武王作尅商建三監以  
救其民爲之訓範此有脫簡□□□□□□□□□□□□  
□□□□□□□□□□□□□□□□武王旣釋箕子  
囚俾民辟寧之以王作箕子武王秉天下論德施□

而□位以官作考德武王命商王之諸侯綏定厥邦  
申義告之作商誓武王平商維定保天室規擬伊洛  
作度邑武王有疾

此有脫簡

□□□□□□□□□□命

周公輔小子告以正要作五權武王既沒成王元年  
周公忌商之孽訓敬命作成開周公既誅三監乃述  
武王之志建都伊洛作洛周公會群臣于闕門以  
輔主之格言作皇門周公陳武王之言以贊已言戒  
乎成王作大戒周公正三統之義作周月辯二十四  
氣之應以明天時作時訓周公制十二月賦政之法

作月令周公肇制文王之謚義以垂于後作謚法周  
公將致政成王朝諸侯於明堂作明堂成王既卽政  
因嘗麥以語群臣而求助作嘗麥周公爲太師告成  
王以五徵則作本典成王訪周公以民事周公陳六  
徵以觀察之作官人周室旣寧八方會同各以其職  
來獻欲垂法厥後作王會周公云歿王制將衰穆王  
因祭祖不豫詢其守位作祭公穆王思保位惟難恐  
貽世羞欲自警悟作史記王化雖弛天命方求四夷  
八蠻攸尊王政作職方芮伯稽古作訓納王于善暨

執政小臣咸省厥躬作芮良夫晉侯尚力侵我王略  
叔向聞儲幼而果賢□復王位作太子晉王者德以  
飾躬用爲所佩夏多罪湯將放之徵前事以戒後王  
也作殷祝民非后罔又后非民罔與爲邦慎政在微  
作周祝武以靖亂非直不尅作武紀積習生常不可  
不慎作銓法車服制度明不苟踰作噐服周道於乎  
大備

逸周書目錄

卷一

度訓解第一

命訓解第二

常訓解第三

文酌解第四

糴匡解第五

卷二

武稱解第六

允文解第七

天武解第八

大明武解第九

小明武解第十

大匡解第十一

程典解第十二

程寤解第十三

秦陰解第十四

九政解第十五

九開解第十六

劉法解第十七

文開解第十八

保開解第十九

八繁解第二十

卷三

鄧保解第二十一

大開解第二十二

小開解第二十三

文倣解第二十四

文傳解第二十五

柔文解第二十六

大開武解第二十七

小開武解第二十八

寶典解第二十九

艷謀解第三十

寤敬解第三十一

武順解第三十二



武穆解第三十三

卷四

和寤解第三十四

克寤解第三十五

克殷解第三十六

大匡解第三十七

文政解第三十八

大聚解第三十九

世俘解第四十

箕子解第四十一

耆德解第四十二

卷五

商誓解第四十三

度邑解第四十四

武傲解第四十五

五權解第四十六

成開解第四十七

作維解第四十八

皇門解第四十九

大戒解第五十

卷六

周月解第五十一

時訓解第五十二

月令解第五十三

謚法解第五十四

明堂解第五十五

嘗麥解第五十六

本典解第五十七

卷七

官人解第五十八

王會解第五十九

卷八

祭公解第六十

史記解第六十一

職方解第六十二

卷九

芮良夫解第六十三

太子晉解第六十四

王佩解第六十五

殷祝解第六十六

周祝解第六十七

卷十

武紀解第六十八

銓法解第六十九

器服解第七十

逸周書卷第一

晉

孔晁注

明 新安程榮校

度訓解第一

天生民而制其度

聖人為制法度

度小大以正權輕重以極

明本末以立中

制法度所以立中正

立中以補損補損以知足

損益以中為制故知足也

爵以明等極

極中也貴賤之等尊卑之中也

極以正

民正中外以成命

內外正則大命成也

正上下以順政

順其政教

以內□□□自邇彌興自遠遠邇備極終也□微補

在□□分微在明

知精□□□□  
微分理有明故

明王是以敬微而

順分分次以知和知和以知樂知樂以知哀哀樂以

知慧內外以知人

慧者甚明  
所以知人

凡民生而有好有惡小

得其所好則善大得其所好則樂小遭其所惡則憂

大遭其所惡則哀

言其性  
之自然

凡民之所好惡生物是好

死物是惡民至有好而不讓不從其所好必犯法無

以事上

不必讓則爭  
爭則犯法矣

民至有惡不讓不去其所惡必

犯法無以事上徧行於此尚有頑民而况曰以可去

其惡而得其所好民能居乎

徧為兼行好惡也能  
居乎言不能居好也

若

不口力何以求之

言力爭也

力爭則力政力政則無讓無

讓則無禮無禮雖得所好民樂乎

爭則不樂

若不樂乃所

惡也凡民不忍好惡不能分次

忍為持久堅以次第

不次則奪

奪則戰戰則何以養老幼何以救痛疾死喪何以胥

役也

胥相也

明王是以極等以斷好惡教民次分

揚舉

力竟任壯養老長幼有報

壯者任之老者養之幼者長之使相報此謂力竟也

民是以胥役也夫力竟非衆不尅衆非和不衆

和之以懷

衆

和非中不立中非禮不慎禮非樂不履明王是以

無樂非人無哀非人

言明王所樂所哀非人也

人是以衆人衆賞



多罰少政之美也罰多賞少政之惡也罰多則困賞

多則乏乏因無醜教乃不至醜謂所厚是故民主明醜以

長子孫子孫習服鳥獸仁德歸其仁德土宜天時百物行

治土之所宜天時所生皆行其物治之初廢初哉治化則順是故無

順非厲明醜以使之所成順者也長幼成而生曰順極言使小人大人

皆成其事之上之心而生其義順之至也

### 命訓解第二

天生民而成大命賢愚自然之性命也命司德正之以禍福司主

也以德為主有德正以福無德正以禍然立明王以順之順天作故曰大命有

常小命日成成則敬有常則廣廣以敬命則度至于

極

日成日進也如有則其人法度至中正也

夫司德司義而賜之福祿福

祿在人能無懲乎若懲而悔過則度至于極

懲止也以德居

身深術息其義

夫或司不義而降之禍在人能無懲乎若懲

而悔過則度至于極夫民生而醜不明無以明之能

無醜乎若有醜而競行不醜則度至于極

不謂醜者若道上為

君天民生而樂生無以穀之能無勸乎若勸之以忠

則度至于極

穀善也謂忠信也

夫民生而惡死無以畏之能

無恐乎若恐而承教則度至于極

以死亡恐民使奉上易教也

六

極既通六間具塞

六中之道通則六間塞矣

通道通天以正人正

人莫如有極道天莫如無極

道謂言說之也

道天有極則不

威不威則不昭正人無極則不信不信則不行

政教不明

明王昭天信人以度功地以利之使信人畏天則度

至于極夫天道三人道三

言相方以立教

天有命有禍有福

人有醜有紕罔有斧鉞以人之醜當天之命以紕罔

當天之福以斧鉞當天之禍六方三述其極一也不

知則不存

一者善之謂也不行善不知故也

極命則民愷民愷則曠

命曠命以誠其上則殆於亂

此下六極謂行

極其道殆近極福則

民祿民祿則于善于善則不行不行善也極禍則民鬼民

鬼則淫祭淫祭則罷家罷弊其財且無禍也極醜則民叛民叛

則傷人傷人則不義民不堪行則叛義也極賞則民買其上賈

其上則民無讓無讓則不順買賣以功求其賞也極罰則民多

詐多詐則不忠不忠則無報上遇其禮不報已終凡此六者政

之始也明王是故昭命以命之曰大命世罰小命罰

身遺大命則世受罰犯小命則罰身福莫大於行義禍莫大於淫祭

醜莫大於傷人賞莫大於信義讓莫大於賈上罰莫

大於貪詐言此六者最古之明王奉此六者以牧萬民

用而不失不失其義撫之以惠和之以均歛之以哀娛之

以樂慎之以禮教之以藝震之以政動之以事勸之

以賞畏之以罰臨之以忠行之以權以權行之權不法忠

不忠罰不服賞不從勞事不震政不成言行權當有如此時藝

不淫禮有時樂不滿哀不至均不壹惠不忍人凡此

物攘之屬也事物惠而不忍人人不勝害害不如死害則

死而猶不知均一則不和哀至則置樂滿則荒禮無時

則不貴藝淫則害于才政成則不長事震則寡功不長

言近淺也震而其功寡矣以賞從勞勞而不至以法從中則賞賞

不必中以權從法則行行不必以知權權以知微微

以知始始以知終

言事勢之相權物  
理之相致如此也

### 常訓解第三

天有常性人有常順順在可變性在不改

學能故可  
變自然故

不不改可因因在好惡好惡生變變習生常常則生

醜醜命生德

雖有天性可各其好惡以變  
之明醜所以命之則德生矣

明王於是

生政以正之民生而有習有常以習爲常以常爲慎

民若生于中習常爲常

習常爲常如性自  
然故若生于中也

夫習民乃

常爲自血氣始

性本所有而勿小習之  
若自其氣血生之始也

明王自血氣

耳目之習以明之醜

示之以好惡也

醜明乃樂義樂義乃至

上上賢而不窮

窮謂不省之人

哀樂不淫民知其至而至于

子孫民乃有古古者因民以順民

皆有經遠之規謂之有古父教子子

教孫故曰因也

夫民群居而無選為政以始之始之以古終

之以古

言政必敬始慎終選行也

行古志今政之至也政維今法

維古

云云

頑貪以凝疑意以兩平兩以參參伍以權權

數以多多難以允允德以慎慎微以始而敬終乃不

困

重明終始之義

困在空誘在王民乃苟苟乃不明哀樂不

時四徵不顯六極不服八政不順九德有奸九奸不

遷萬物不至

古以空導  
民政之弊

夫禮非尅不承非樂不竟民

是之生□好惡有四徵喜樂憂哀動之以則發之以

文成之以名行之以化

以中道  
化之也

六極命聽福賞禍罰

六極不羸

羸謂  
無常

八政和平八政夫妻父子兄弟君臣

八政不逆九德純恪九德忠信敬剛柔和固貞順順

言曰政順政曰遂遂僞曰姦姦物在目姦聲在耳耳

因有皆疑疑言有樞樞動有和和意無等

等謂  
差等

萬民

無法□□在赦□復在古古者明王奉法以明幽幽

王奉幽以廢法奉則一人也而績功不同

所行相  
反故也明



王是以敬微而順分

文酌解第四

民生而有欲有惡有樂有哀有德有則則有九聚德

有五寶哀有四忍樂有三豐惡有二咎欲有一極廣演

其義也極有七事咎有三尼豐有三頻忍有四教寶有

五大聚有九酌又敷陳也九酌一取允移人二宗傑以觀

三發滯以正民四貸官以屬五人曰必禮六往來取

此七商賈易資八農人美利九口寵可動此言所酌為政之事

英傑人當親之地也五大一大知率謀二大武劔勇三大工賦

事四大商行賄五大農假貸言之為謀之即恤貧振施老也四教一

守之以信二因親就年三取戚免楛四樂生身復就

尊長年也戚近也免楛無忘也三頻一曰頻祿質瀆二陰福靈極三

留身散真頻數也散失也三尼一除戎咎醜二申親考疏三

假時權要尼是也咎罪也考成也時是也七事一騰咎信志二援拔

瀆謀三聚疑沮事四騰屬威眾五處寬身降六陵塞

勝備七錄兵免戎騰勝也錄謂不備兵一極惟事昌道開蓄伐

言事事皆以忠政行之則吉昌之道開行而征伐之道蓄之也伐有三穆七信一幹

二御安十二來信征伐之道必三穆一絕靈破城二

周書 卷一 七 余

筮奇昌為三龜從兆凶

絕神不淫祀也。正而卜雖從而凶。

七信一仁

之慎散二智之完巧三勇之精富四族之寡賄五商

之淺資六農之少積七貴之爭寵

七者所宜信明之也。

一幹勝

權輿

言有權無不輿。

二御一樹惠不瘳二既用茲憂

瘳巔也。以為已。

巔也。既盡。

三安一定居安帑二貢貴得布三刑罪布財十

二來一弓二矢歸射

矢當可用。

三輪四輿歸御

言亦可用。

五鮑

六魚歸蓄

積以為資。

七陶八冶歸竈

竈善則陶冶長也。

九柯十匠

歸林

林當作材。匠以為用。

十一竹十二葦歸時

取之以時。所以來人也。

三

穆七信一幹二御三安十二來伐道咸布物無不落

落物取配維有永究

落始也類也究終也

急哉後失時

### 糴匡解第五

成年年穀足賓祭祭以盛

言賓客宗廟足而不儉也

大駟鍾絕服

美義淫

六副後落淫過

皂畜約制餘子務藝

皂廐別名畜則馬放制不常秩

餘衆也藝樹也

宮室城廓修為備供有嘉萊於是日蒲

嘉善也為

薑等也屬蒲之

年儉穀不足賓祭以中盛

有黍稷無稻梁

樂唯鍾鼓

不服美

外有祭服內無文飾

三牧五庫補攝

事物相兼石物設也

凡美不

修餘子務穡於是糺秩

糺之令有事按

年饑則勤而不賓舉

祭以薄

用下牲也

樂無鍾鼓凡美禁書不早群車不雕攻

兵備不制民利不淫治攻征當商旅以救窮乏聞隨卿

下鬻塾鬻賣分助有匡以綏無者於是救困大荒有禱

無祭饑饉師旅為大荒也國不稱樂企不滿壑刑罰不修舍用

振穹不滿壑不干治地舍用常以振民也君親巡方卿參告糴餘子倅

運開口同食民不藏糧曰有匡倅副也盡行此事名曰有匡也禪民

畜唯牛羊於民大疾惑殺一人無赦雖有凶疾惑而相殺者不赦也

男守疆戎禁不出五庫不膳喪禮無度察以薄資戎事

自守□□□□而已不征伐也察儉也而速喪察用禮無樂官不幃嫁娶不以

時賓旅設位有賜不以時秋冬也媒氏會卷終合之賓旅隨位賜之不錫燕

逸周書卷第二

晉

孔晁注

明 新安程榮校

武稱解第六

大國不失其威小國不失其卑敵國不失其權

此即所謂

稱也 岨嶮伐夷并小奪亂口強攻弱而襲不正武之經

也 經 伐亂伐疾伐疫武之順也

武道逆取順守故曰順也

賢者輔

之亂者取之作者勸之怠者沮之恐者懼之欲者趣

之武之用也

武以為用事也

美男破老美女破舌淫圖破口

滯巧破時滯樂破正滯言破義武之毀也

九行此事所以毀敵

也。敎其衆遂其咎撫其口助其囊武之間也。餌敵以

分而照其儲以伐輔德追時之權武之尚也

以分謂以分器

上田餌春違其農秋伐其穡夏取其麥冬寒其衣服

春秋欲舒冬夏欲亟武之時也

寒衣為敗其絲麻冬夏寒暑盛衰欲度之

長勝短輕勝重直勝曲衆勝寡強勝弱飽勝饑肅勝

怒先勝後疾勝遲武之勝也

肅敬也

追戎無恪窮寇不

格格鬪也力倦氣竭乃易克武之追也

追敵之法

既勝人舉

旗以號令命吏禁掠無取侵暴爵位不謙田宅不虧

各寧其親民服如化武之撫也

謙損也 寧安也

百姓咸服偃

兵興德夷厥險阻以毀其服四方畏服奄有天下武

之定也

毀武謂 毀服之

### 允文解第七

思靜振勝允文維記

以靜總勝 康文紀武

昭告周行維旌所在

旌旗治 亂所在

收武釋賄無遷厥里官校屬職因其百吏

其收

戎器不取賄因 其官吏無敢改

公貨少多賑賜窮士救瘠補病賦均

田布

主施赦 布政也

命夫復服用損憂耻孤寡無告獲厚咸

喜

損除憂耻謂赦罪 振窮敷大惠也

咸問外戚書其所在遷同民姓



位之宗子

誅其君為之主  
及群臣宗主

率用十五綏用□安教用

顯允若得父母

懷其德  
政也

寬以政之孰云不聽聽言靡

悔遵養時晦

養時闇昧  
而誅之

晦明遂語于時允武死思復

生生思復所

使昧者修明而  
遂告以信武也

人知不棄愛守正戶上

下和協靡敵不下

於守正戶  
言不逃亡

執彼王珪以居其宇庶

民咸畊童壯無輔無拂其取通其疆土民之望兵若

待父母

彼謂亂  
邦之君

是故天下一旦而定有四海

### 大武解第八

武有六制政攻侵伐搏戰

政者征  
伐之政

善政不攻善攻不

侵善侵不伐善伐不搏善搏不戰言廟勝也政有四戚五

和攻有四攻五良侵有四聚三斂伐有四時三與搏

有三哀四赦戰有六厲五衛六庠五虞此皆有義然後能致其攻

四戚一內姓二外婚三友朋四同里信所宜親也五和一

有天無惡二有人無鄰三同好相固四同惡相助五

遠宅不薄雖遠居皆厚之此九者政之因也言因此以四攻

者一攻天時二攻地宜三攻人德四攻行利攻謂奪其計使

不成也五良一取仁二取智三取勇四取材五取藝務所

來而任之良當此九者攻之開也言開此道以成攻也四聚一

為求字之誤也

酌之以仁二懷之以樂三旁聚封人四設圍以信三

斂一男女比二工次三祗人死祗敬此七者侵之酌也

言酌此法以成侵也四時一春違其農二夏食其穀三秋取其

刈四冬凍其葆此皆所用以敵之東謂發露其葆聚三興一政以和時

二伐亂以治三伐饑以飽此所行當之也此七者伐之機也

機要也以此要成其伐也三哀一要不羸二喪人三擯厥親哀敵人之

困窮如此要當為惡擯一作損四赦一勝人必羸二取威信復三人

樂生身四救民所惡羸謂益之復謂有之皆赦救也此七者搏之來

也所以懷來之也六厲一仁厲以行二智厲以道三武厲以

勇四師厲以士五校正厲御六射師厲伍厲為治政也

五衛一明仁懷怒二明智輔謀三明武攝勇四明材

攝士五明藝攝官皆所以成戰矣五虞一鼓走疑二備從來

三佐車舉旗四采虞人謀五後動撚之撚從也皆來安道令之道

無競惟害有功無敗雖強常念害則不敗也

### 大明武解第九

畏嚴大武曰維四方畏威乃寧大武之道四方畏威天下乃寧之也天

作武修戎兵以助義正違正順其義順天行五官官候厥

政謂有所亡五官舉大官之言亡無也城廓清渠高厚是量謂敵人所

也既踐戍野備慎其殃敬其嚴君乃戰救言當明耳目遠斥候

十藝必明加之以十因靡敵不荒荒敗也陣若雲布侵

若風行輕車翼衛在戎二方奔敵之陣如此我師之窮靡人

不剛知敵之強乃剛勇也十藝一大援二明從三餘子四長興

五伐人六刑餘七三疑八間書九用少十興怨刑餘赦徒

用少者省費興怨離構也十因一樹仁二勝欲三賓客四通旅五

親戚六無告七同事八程巧九口能十利事凡成皆

勝欲以義勝欲藝因伐用是謂強轉應天順時時有寒暑言

有難易也風雨飢疾民乃不處移散不敗農乃商賈委以

淫樂賂以美女

謂扇動之使沈惑也

主人若拔口至城下高堙

臨內日夜不解

杖謂堅也

方陣並功云何能禦雖易必敬

是謂明武

禦當也

城高難平湮之以土開之以走路俄

傳噐櫓

湮土謂為土山以臨之也

因風行火障水水下惠用元元

文誨其寡

言務恤刑也

旁隧外權隳城湮溪老弱單處其

謀乃難

單處無於保鄣

既克和服使衆咸宜竟其金革是謂

大夷

咸皆夷平

### 小明武解第十

凡攻之道必得地勢以順天時觀之以今稽之以古

兵凶器戰危事故以詳順之稽考也攻其逆政毀其地阻立之五教以

惠其下五教五常之教也矜寡無告寔爲之主五教允中枝

葉伐興爲之君枝葉謂衆善政也國爲僞巧後官飾女荒田逐獸

田獵之所游觀崇臺泉池在下淫樂無既百姓辛苦

言凡有此上有困令乃有極言以上困下騰戎遷其野

敦行王法濟用金鼓濟成也言以降以列陣無悅怒

□按道攻巷無襲門戶言不赦有罪怒無受貨賂攻

用弓弩上下禱祀靡神不下具行衝梯振以長旗先

禱而攻懷戚思終左右憤勇無食六畜無聚子女群後戰也

振若電造於城下鼓行參呼以正什伍

言士卒之奮厲也

有軒冕斧鉞在下勝國若化故曰明武

軒冕所以為賞也

### 大匡解第十一

維周王宅程三年遭天之大荒

程地名在岐州左右後以為國初王季之

子文王因焉而遭饑饉後乃徙豐焉

作大匡以詔牧其方三州之侯咸

率

文王初未得三分有二故三州也率謂奉順也

王乃召冢卿三老三吏大

夫百執事之人朝于大庭

冢卿孤卿三吏三卿也大庭公堂之庭

問罷

病之故政事之失刑罰之戾哀樂之尤

戾罪尤過

賓客之

盛用度之費及關市之征山林之匱田宅之荒溝渠



之害匱荒害皆謂官不修無征怠愓之過驕頑之虐水旱之菑以

為失日不穀不德政事不時國家罷病不能胥匡二

三子尚助不穀官考厥職鄉問其人不尚尚也問人政得失因

其耆老及其總害慎問其故無隱乃情總衆人及某日

以告于廟有不用命有常不赦明日王至廟告常者常刑也王既

發命入食不舉百官質方口不食饗王不舉樂百官徹膳以思其取

方道及期日質明王麻衣以朝朝中無采衣此凶服自居為荒變

官考其職鄉問其利因謀其菑旁匡於衆無敢有違

衆衆民也百官率我故無違 詰退驕頑方收不服慎惟怠愓什伍

相保方方教收其不服化者也動勸游居事節時茂農夫任戶戶

盡夫出茂勉也言無戶不出夫以勸農農廩分鄉鄉命受糧程課物

徵躬競比藏農人藏穀於廩分在諸鄉台課程比藏者比方其收藏也藏不粥糴

糴不加均賦洒其幣鄉正保貸糧不加均多從所有限也洒散也幣以

糴以貨窮也成年不償信誠匡助以輔殖財名曰貸而不償所以生殖

民財也財殖足食克賦為征數口以食食均有賦均民足食

而征其賦以入官也外食不瞻開關通糧糧窮不轉孤寡不廢

窮征困內不轉出外也滯不轉留戍城不留口足以守出旅分

均馳車送逝旦夕運糧口不成者不令留足以守之表皆共運之也於是

告四方遊旅旁生忻通津濟道宿所至如歸有告者窮者有

所歸也幣租輕乃作母以行其子以貴重為母謂錢帛之屬易資貴

賤以均遊旅使無滯非但租賦作母行子遊旅易資亦然無粥孰無室

市權內外以立均無蚤暮間次均行均平民財行之無早晚之常也

均行衆從積而勿口以罰助均無使之窮平均無乏

利民不滯雖積賞進有無不隄防之使民有過者罰其穀幣其穀幣通以助均無播蔬

無食種可食之菜曰蔬以數度多少省用國家常用祈而不賓祭

服漱不制不賓殺禮不制不造新也車不雕飾人不食肉畜不食

穀畜謂馬也國不鄉射樂不牆合牆屋有補無作皆為荒降之也

資農不敗務

農棄之務不廢

非公卿不賓賓不過具

唯賓公卿酒食

而哭不留日登降一等

留盡也降一等為荒廢之也

庶人不獨葬

伍有植送往迎來亦如之

均恤與迎亦如植共送迎亦相救也

有不用

命有常不違

### 程典解第十二

維三月既生魄文王合六州之侯奉勤于商

三分天下有其

二以伏事殷也

商王用宗讒震怒無疆

宗曰疆境也

諸侯不娛逆

諸文王文王弗忍乃作程典以命三忠

娛樂也不忍從諸侯即王

位所以為至德常典也

曰助余體民無小不敬如毛在躬拔之

痛無不省

毛以喻小也無不省故宜敬外也

政失患作作而無備死

亡不誠誠在往事備必慎備思地思地慎制思制慎

人思人慎德德開開乃無患

以往事誠將來開通言德合也

慎德必

躬恕恕以明德德當天而慎下

以慎道教天下

下為上貸力

競以讓讓德乃行

以為化

慎下必翼上上中立而下比

爭省和而順慎同携乃爭和乃比

翼敬也中立謂無比也

比事

無政無政無選無選民乃頑頑乃害上

無雋選之事在官故頑民

上害故選官以明訓頑民乃順慎守其教小大有度以

備苗寇

小大

協其三族固其四援明其伍侯習其

吉凶也

武誠依其山川通其舟車利其守務

修文教誠武士備聖王之事

大夫不雜於工商

使各專其業商不厚工不朽農不力不可力治必善其事治乃成也

士之子不知義不可以長幼

有士行之義方為止

工不族居不

足以給官族不鄉別不可以入惠

族謂羣也雖不別其鄉所以行其惠

也為上不明為下不順無醜

言國無耻醜也

輕其行多其愚

不習

不重其行自多其愚何智之有

慎地必為之圖以舉其物物其

善惡

別其地所生物之善惡也

度其高下利其陂溝愛其農時脩

其等列務其土實

務其勑樹範也

差其施賦設得其宜宜協

其務務應其趣

言其所施當也

慎用必愛工攻其材商通其

材百物鳥獸魚鼈無不順時

順時所為愛之也

生穡省用不

濫其度津不行火藪林不伐

濫過也非時不火不伐也

牛羊不盡

齒不屠

老不任用食之

土勸不極美美不害用用乃思慎□

備不敬不意多□用寡立親用勝懷遠遠格而邇安

多用謂振施也

於安思危於始思終於邇思備於遠思近於

老思行不備無違嚴戒

必有恐乃有濟也終謂終其義之也格至也

程寤解第十三

缺

秦陰解第十四

缺

九政解第十五

缺

九開解第十六 缺

劉法解第十七 缺

文開解第十八 缺

保開解第十九 缺

八繁解第二十 缺



周書

卷三

十

逸周書卷第三

晉

孔晁注

明 新安程榮校

酆保解第二十一

維二十三祀庚子朔九州之侯咸格于周王在酆昧  
爽立于少庭王告周公曰曰嗚呼諸侯咸格來慶辛  
苦役商吾何保守何用行旦拜手稽首曰商爲無道  
棄德刑範欺侮群臣辛苦百姓忍辱諸侯莫大之綱  
福其亡亡人惟庸王其祀德純禮明允無二卑位柔

色金聲以合之王乃命三公九卿及百姓之人曰恭  
敬齊潔咸格而祀于上帝商饋始于王因饗諸侯重  
禮庶吏出送于郊樹昏于崇內備五祥六衛七厲十  
敗四葛外用四蠹五落六容七惡五祥一君選擇二  
官得度三務不舍四不行賂五察民困六衛一明仁  
懷恕二明智毀謀三明戒攝勇四明才攝士五明德  
法官六明命攝政七厲一翼勤厲務二動正厲民三  
靜兆厲武四翼藝厲物五翼言厲復六翼敬厲衆七  
翼知厲道十敗一佞人敗樸二諂言毀積三陰資自

舉四女貨速禍五比黨不揀六佞說鬻獄七神龜敗  
卜八賓祭推穀九忿言自辱十異姓亂族四葛一葛  
其農時不移二費其土慮不化三正賞罰獄無姦竒  
四葛其戎謀族乃不罰四蠹一美好怪竒以治之二  
淫言流說以服之三群巧仍興以力之四神巫靈寵  
以惑之五落一示吾貞以移其名二微降霜雪以取  
松柏三信蟠萌莫能安宅四厚其禱巫其謀乃獲五  
流德飄狂以明其惡六容一游言二行商二三軍旅  
之庸四外風之所揚五困失而亡作事應時時乃喪

口厚使以徃來其所藏七惡一以物角兵二令美其  
前而厚其傷三間於大國安得吉凶四交共所親靜  
之以物則以流其身五率諸侯以朝賢人而已猶不  
徃六令之有求遂以生尤七見親所親勿與深謀命  
友人疑旦拜曰嗚呼王孫其尊天下適無見過過達  
無好自益以明而迹嗚呼敬哉視五祥六衛七厲十  
敗四葛不修國乃不固務周四蠹五落六容七惡不  
時不允不率不緩反以自薄嗚呼深念之哉重維之  
哉不深乃權不重從權乃慰不從乃潰潰不可復戒

後人復戒後人其用汝謀王曰允哉

大開解第二十二

維王二月旣生魄王在鄴立手少庭兆墓九開開厥  
後人八儆五戒八儆一□曰于開二躬修九過三族  
修九禁四無競維義五習用九教六□用守備七足  
用九利八寧用懷□五戒一祇用謀宗二經內戒工  
三無遠親戚四雕無薄□五禱無憂王及爲人盡不  
足王拜儆我後人謀競不可以藏戒後人其用汝謀  
維宿不悉日不足

小開解第二十三

維三十有五祀王念曰多口正月丙子拜望食無時  
汝開後嗣謀曰嗚呼于來後之人余聞在昔曰明明  
非常維德曰爲明食無時汝夜何脩非躬何慎非言  
何擇非德嗚呼敬之哉汝恭聞不命賈粥不讎謀念  
之哉不索禍招無曰不免不庸不茂不次人菑不謀  
遷棄非人朕聞用人不以謀說說惡諂言色不知適  
適不知謀謀泄汝躬不允嗚呼敬之哉後之人朕聞  
曰謀有共輔如乃而舍人之好佚而無窮貴而不傲

富而不驕兩而不爭聞而不遙遠而不絕窮而不匱  
者鮮矣汝謀斯何嚮非翼維有共枳枳亡重大害小  
不堪柯引維德之用用皆在國謀大鮮無害嗚呼汝  
何敬非時何擇非德德枳維大人大人枳維卿卿枳  
維大夫大夫枳維士登登皇皇口枳維國國枳維都  
都枳維邑邑枳維家家枳維欲無疆動有三極用有  
九因因有四戚五私極明與與有畏勸汝何異非義  
何畏非世何勸非樂謀獲三極無疆動獲九因無限  
務用三德順攻奸口言彼翼翼在意何時德春育生



素草肅疎數滿夏育長美柯華務水潦秋初藝不節  
落冬大劉倍信何謀本口時歲至大視嗚呼汝何監  
非時何務非德何興非因何用非極維周于民人謀  
競不可以後戒後戒宿不悉日不足

文倣解第二十四

維文王告夢懼後祀之無保庚辰詔太子發曰汝敬  
之哉民物多變民何嚮非利利維生痛痛維生樂樂  
維生禮禮維生義義維生仁嗚呼敬之哉民之適敗  
上察下遂信何向非私私維生抗抗維生奪奪維生

亂亂維生亡亡維生死嗚呼敬之哉汝慎守勿失以  
詔有司夙夜勿忘若民之嚮引汝慎何非遂遂時不  
遠非本非標非微非輝壤非壤不高冰非水不流鳴  
呼敬之哉倍本者槁汝何葆非監不維一保監順時  
維周于民之遘敗無有時蓋後戒後戒謀念勿擇

文傳解第二十五

文王授命之九年時維暮春在鄔太子發曰吾語汝  
所保所守守之哉厚德廣惠忠信愛人君子之行四  
君德不爲驕侈不爲靡忝不淫於美括柱茅茨爲愛費

言務儉也因就不決日括

山林非時不升斤斧以成草木之長川

澤非時不入網罟以成魚鼈之長不麇不卵以成鳥

獸之長畋漁以時童不天胎馬不馳騫土不失宜言土

地所宜悉長之

土可犯材可蓄潤濕不穀樹之竹葦莞蒲礫

石不可穀樹之葛木以為絺綌以為材用所為土不失宜故

凡土地之間者聖人裁之並為民利是魚鼈歸其泉

鳥歸其林取之以時不天胎故孤寡辛苦咸賴其生得所生長材用山

以遂其材工匠以為其器百物以平其利商賈以通

其貨無二德也工不失其務農不失其時是謂和德和故不失

土多民少非其土也土少人多非其人也是故土多

發政以漕四方四方流之

漕轉流歸言移內人也

土少安帑而

外其務方輸

外設業而四民方輸穀

夏箴曰中不容利民乃外

次

夏禹之箴戒書也業舍次於田

開望曰土廣無守可襲伐土狹無

食可圍竭二禍之來不稱之灾

開望古書名也政以人土相稱為善也

天有四殃水旱饑荒其至無時非務積聚何以備之

積材用聚穀蔬

夏箴曰小人無兼年之食遇天饑妻子非其

有也大夫無兼年之食遇天饑臣妾與馬非其有也

古者國家三年必有一年之儲非其有言流亡也

戒之哉弗思弗行至無日

矣言不遠矣不明開塞禁舍者其如天下何不明謂人各失其機

修其學而尊其名聖人制之制而業用故諸橫生盡以養

從從生盡以養一丈夫橫生萬物也從生人也一丈夫天子也言兆民者天子也

無殺天胎無伐不成材無墮四時如此者十年有十

年之積者王通三十年之計也有五年之積者霸無二年之

積者亡通計五年之計有五年也積也亡為無國家生十殺一者物十重

生一殺十者物頓空十重者王頓空者亡生多到重生少到空

兵強勝人人強勝天能制其有者則能制人之有勝天

勝有天命不能制其有者則人制之術自取之令行禁止王始

也出一曰神明出二曰分光政有二名分君之明光亦明也出三曰

無適異出四曰無遠與無遠與者亡君臣無遠異民無遠與不亡何

符也

### 柔武解第二十六

維王元祀一月既生魄王召周公旦曰嗚呼維在文

考之緒功此文王卒之明年春也維周禁五戎五戎不禁厥民

乃淫此成問也而謂之戎言五者不禁戎之道也一曰土觀幸時政匱不

疑二曰獄讎刑蔽奸吏濟貸濟貸成其貸也三曰聲樂口口

飾女滅德四曰維勢是輔維禱是枯五曰盤游安居

枝葉維落

輔口枯恃盤游安居皆害之術

五者不距自生戎旅故必

以德為本以義為術以信為動以成為心以決為計

以節為勝

言以德為本以節為勝距戎之本也

務在審時紀綱為序和

均口里以匡辛苦

匡正也辛苦窮也

見寇口戚靡遠無口勝

國若化不動金鼓善戰不鬪故曰柔武四方無拂掩

有天下

拂違也言感也

### 大開武解第二十七

維王一祀二月王在豐密命

密人及商紂謀周大命

訪於周公

且曰嗚呼余夙夜維商密不顯誰和

言欲以毀送之商密

告歲

之有秋今余不獲其落若何

和指萬物而商密欲攢我周不得其落恐將亡

周公曰茲在德敬在周其維天命王其敬命

言天命在周當

敬命而已遠戚無十和無再失維明德無佚

所親近疎遠也再失為復

也佚不可還維文考恪勤戰戰何敬何好何惡時不

敬殆哉

言一佚不可還故念文王所敬

王拜曰允哉余聞國有四戚

五和七失九因十淫非不敬不知

言非不欲敬而未知所聞欲知之也

今而言維格余非廢善以自塞維明戒是祗

而汝格至也是

余敬

周公拜曰茲順天天降寤于程程降因于商商

今生葛葛右有周

言天寤周以和商謀商朝生葛是祐助周也

維王其明



用開和之言言孰敢不格

可否相濟曰和欲其開臣以和則忠告之言無不至

也四戚一內同外二外婚姻三官同師四哀同勞五

和一有天維國二有地維義三同好維樂四同惡維

哀五遠方不爭

以文德來遠

七失一立在廢二廢在祇三

比在門四諂在內五私在外六私在公七公不違

立所

廢則功多廢所敬則不見疑口比諂近公私于錯公法不能違之所謂失

九因一神有不

饗二德有所守三才有不官四事有不均五兩有必

爭六富有別七貪有匱八好有遂九敵有勝

此皆因其事而

以誤彼國也

十淫一淫政破國動不時民不保二淫好破

義言不協民乃不和三淫樂破德德不純民乃失常  
四淫動破醜醜不足民乃不讓五淫中破禮禮不同  
民乃不協六淫采破服服不度民乃不順七淫文破  
典典不式教民乃不類八淫權破故故不法官民乃  
無法九淫貸破職百官令不承十淫巧破用用不足  
百意不成嗚呼十淫不違危哉今商維茲

言商紂所  
行如此十

者之  
所救

其唯第茲念不承殆哉

不率天命  
則危殆也

若人之有政

令廢令無赦乃廢天之命訖文考之功緒忍民之苦

不祥

廢政令罪不赦而乃廢天命  
父之業忍民患是不祥也

若農之服田務耕

而不耨維草其宅之既秋而不獲維禽其饗之人而

獲饑去誰哀之草居之是農不脩也獸食之是饑也王

拜曰格乃言嗚呼夙夜戰戰何畏非道何惡非是不

敬殆哉王必以周公言為至故拜也

小開武解第二十八

維王二祀一月既生魄王召周公旦曰嗚呼余夙夜

忌商知道極敬聽以勤天命周公拜手稽首曰在

我文考順明三極躬是四察循用五行戒視七順順

道九紀會文王所行之三極既明五行乃常四察既是七順

乃辨明勢天道九紀咸當順德以謀罔惟不行言化道大

行也三極一維天九星二維地九州三維人四左九星四方

及五星也四左疏附禦侮奔走先後是也四察一目察維極二耳察維聲

三口察維言四心察維念四者當所必察真偽五行一黑位水

二赤位火三蒼位木四白位金五黃位土言其所順而勤七

順一順天得時二順地得助三順民得和四順利財

足五順得助明六順仁無失七順道有功順天時得天道順道

有功得九紀一辰以紀日二宿以紀旬三日以紀德

四月以紀刑日月之會日辰甲乙十者於四方以紀日宿次十二紀十二月次日為禮為

法也五春以紀生六夏以紀長七秋以紀殺八冬以紀

藏九歲以紀終四時終則成歲時候天視可監時不失以知

吉凶天視言視天時王拜曰允哉余聞在昔訓典中規非時

罔有恪言曰正余不足謙以受

寶典解第二十九

維王三祀二月丙辰朔王在鄘召周公旦曰嗚呼敬

哉朕聞曰何脩非躬躬有四位九德言脩身以此位九德也何

擇非人人有十姦凡人所不能免者何有非謀謀有十散不

圍我哉圍禁也何慎非言言有三信信以生寶寶以貴

物物周爲器

周用之爲器

美好寶物無常維其所貴信無

不行

貴在周用

行之以神振之以寶順之以事明衆以備

改曰以庸庶格懷患

言治實以器用

四位一曰定二曰正三

曰靜四曰敬敬位不哉靜乃時非正位不廢定得安

宅

丕大也時非待時不動

九德一孝子畏哉乃不亂謀二悌悌

乃知序序乃倫倫不騰上上乃不崩

不騰不越不相超越

三慈

惠茲知長幼知長幼樂養老四忠恕是謂四儀風言

大極意定不移

儀言也

五中正是謂權斷補損知選六

恭遜是謂容德以法從權安上無隱

選數隱惡

七寬弘是

謂寬宇准德以義樂獲純嘏

純大也嘏大也謂之大大之福

八温直

是謂明德喜怒不郅主人乃服

郅問也

九兼武是謂明

刑惠而能忍尊天大經九德廣備次世有聲

長令有問十

姦一窮□于靜二酒行于理三辯惠于智四移潔于

清五死勇于武

實少而曰多曰移也

六展允于信七比譽于讓

八阿衆于名九專愚于果十悞孤于貞

十者皆不誠之行故曰姦

十散一廢□□□□行乃泄□□□□□□□□三

淺薄間瞞其謀乃獲四說吡輕意乃傷營立五行怨

而不顧弗憂其圖

間瞞不察謂所謀也

六極言不度其謀乃費

七以親爲踈其謀乃虛八心私慮造百事乃僻九愚

而自信不知所守十不釋太約見利忘親

造單也言十者皆散

汝成三信一春生夏長無私民乃不迷二秋落冬殺有

常政乃盛行三人治百物物德其德是謂信極

言其信至

而其余也信既極矣嗜欲□在在不知義欲在美好

有義是謂生寶

以義乃寶

周公拜手稽首興曰臣既能生

寶恐未有子孫其敗

有□其心恐有寶而子能有以致治也

既能生寶

未能生仁恐無後親王寶生之恐失王會道維其廢

會所當會之寶

王拜曰格而言維時余勸之以安位教之廣



安位謂用寶而亂亦非我咎上設榮祿不患莫仁言

信有得榮祿祿仁也仁以愛祿允維典程既得其祿又增

其名上下咸勸孰不競仁維子孫之謀寶以為常言

人以愛祿為常法則人皆競仁欲愛子孫謀此為常

### 鄠謀解第三十

維王三祀王在鄠謀言告聞自文王受命至此十年也知敵情向人問人日

謀以紂聞鄠謀告武王也王召周公曰日嗚呼商其咸辜維日望

謀建功謀言多信今如其何言商君臣皆罪周日望以問建功也周公

日時至矣乃與師循故言何伐紂之時至謂循古法初用三同一

戚取同二任用能三矢無聲

矢誓言誓衆以盡心也

三讓一近

市二賤粥三施資

以財讓也近來民市旅資以思也

三虞一邊不侵

內二道不毆收三郊不留人

虞禁也設此三禁所以悅也

王曰鳴

呼允從三三無拂厥徵可因

言三讓三同三虞無違言善徵可用以立功也

與周同愛愛微無疾疾取不取疾至致備

疾惡由禱不

德不德不成害不在小終維實大悔後乃無

曲爲非義神不

德帝念不諛應時作謀不敏殆哉周公曰言斯允格

誰從已出出而不允乃菑

帝天也諛僭也敏疾也

往而不往乃

弱士卒咸若周一心

不往則是弱一心則不時也

寤敬解第三十一

維四月朔王告傲召周公旦曰嗚呼謀泄哉今朕寤

有商驚予言夢為紂所伐故驚欲與無口則欲攻無庸以三不

足戒乃不興憂其深矣戒不興言所憂不從職中來也周公曰天下

不虞周驚以寤王王其敬命奉若稽古維王真度若順克

明三德維則三德剛柔正直戚和遠人維庸和近人則遠人用攻王

禱赦有罪懷庶有茲封福庶衆封火監戒善敗護守勿失

無虎傅翼將飛入宮擇人而食不驕不恠時乃無敵

此是義也王拜曰允哉余聞日維乃予謀謀時用戚不泄

不竭維天而已

聞古言也  
天道無常

余維與汝監舊之葆咸祗

曰戒戒維宿

言宿古文  
文戒於心

### 武順解第三十二

天道尚右日月西移地道尚左水道中流人道尚中

耳目役心

言耳目為  
心所役也

心有四佐不和曰廢

四佐脾腎  
肺肝也

地有五行不通曰惡

金木水火  
土更相生

天有四時不時曰凶

天道曰祥地道曰義人道曰禮知祥則壽知義則立

知禮則行

言其  
相通

禮義順祥曰吉吉禮左還順地以利

本

本謂  
人也

武禮右還順天以利兵

天右  
還也

將居中軍順人

以利陣

人尚中

人有中曰參無中曰兩兩爭曰弱三和

曰疆

有中必有口故曰參

男生而成三女生而成五以室成室

成以民生民民以度

陽奇陰耦五謂相配成室

左右手口口五左

右足各履五曰四枝元首曰末

四枝手足元首頭也

五五口十

五曰元卒

伍兵名

一卒居前曰開一卒居後曰敦

開有豎敦

服左右一卒曰閭四卒成衛曰伯

皆陣名伯卒名

三伯一長

曰佐三佐一長曰右

九伯卒也

三右一長曰正三正一長

曰卿三卿一長曰辟

伯卒則右千卒則正三千卒則卿萬卒舉令之於君辟君也此

謂諸侯三軍數起於於伍故不正相當

辟必明卿必仁正必智右必和

言其德如此  
乃堪其在也  
佐必口伯必勤卒必力  
卒三十五人之師故以勇力為

之也  
辟不明無以慮官卿不仁無以集衆伯不勤無以

行令卒不力無以承訓  
訓謂先後辟也承謂奉行後令也  
均卒力貌

而無比比則不順  
比者比同也  
均伯勤勞而無携携則不

和  
携均離  
均佐和敬而無留留則無成  
留均遲  
均右肅恭而無

羞羞則不興辟必文聖如度  
言聖君有所為如度度功不有差也  
元忠

尚讓親均惠下集固介德  
介大也言必所集則常在大道也  
危言不

干德曰正  
不干謂不犯也  
正及神人曰極世世能極曰帝  
謂極

其上

周書  
卷三  
十一

武穆解第三十三

曰若稽古曰昭天之道熙帝之載揆民之任夷德之

用

夷常

總之以咸殷等之以口禁成之以口和

咸皆殷盛也否

以沽總之也

咸康于民卿格維時監于列辟

視古公列也君以為師也

敬惟三事永有休哉三事以倡德二和亂三終齊德

有七倫亂有五遂齊有五備五備一同往踞以揆遠

邇二明要醜友德以衆爾庸三明辟章遠以肅民教

四明義倡爾衆教之以服五要權文德不畏強寵

同往

路謂曰遠之也教之以服先王法服也

五遂一道其通一決其壅二絕

口無赦不疑三挫銳無赦不危四閑兵無用不害五

復尊離群不敵

群離故不敵也

七倫一毀城寡守不路

路二通

通道不戰三小國不凶不伐四正維昌靜不疑五睦

忍寧於百姓

中厚忍辱

六禁害求濟民七一德訓民民乃

章

明於教訓

欽哉欽哉余夙夜求之無射





逸周書卷第四

晉

孔晁注

明新安程榮校

和寤解第三十四

王乃出圖商至于鮮原

近岐周之地也小山曰鮮

召邵公奭畢公

高王曰嗚呼敬之哉無競惟人人允忠惟事惟敬小

人難保

言王以多賢人為賢保安之也

后降惠于民民罔不格惟風

行賄賄無成事

人之歸惠如草應風如用賄則無成事

縣縣不絕蔓蔓

若何豪末不掇將成斧柯

此言防患在微也

王乃厲翼于尹

氏八士唯固允讓

厲獎厲也武王賢臣也

德降為則振于四方

行有令問成和不逆加用禱巫神人允順

言皆順成和志也

### 武寤解第三十五

王赫奮烈八方咸發高城若地商庶若化

言士卒應王之奮烈

視高城若平地若化恐怖也

約期于牧案用師旅商不足滅分禱

上下

於牧野將戰先薄天地也

王食無疆王不食言庶赦定宗

言當

赦其罪人定其宗主不食言也

尹氏八士太師三公咸作有續神無

不饗

羣臣言皆謀立功而神明享其禱

王克配天合于四海惟乃未

寧

德合四表

克殷解第三十六

周車三百五十乘陣于牧野帝辛從

十三年正月牧野商郊紂出朝

歌二十里而迎戰也

武王使尚父與伯夫致師

挑戰也

王既以虎

賁戎車馳商師商師大敗

戎車三百五十乘則士卒三萬六千三百五十人有

虎賁三千五百人也

商辛奔內登於廩臺之上屏遮而自燔于

火

屏遮自障

武王乃手太白以麾諸侯諸侯畢拜遂揖之

太白旗名揖召也揖諸侯共追紂也

商庶百姓咸俟于郊

待文王於郭外也

群

賓僉進曰上天降休再拜稽首

諸侯賀武王也

武王荅拜先

入適王所乃剋射之三發而後下車而擊之以輕呂

斬之以黃鉞輕呂劔名折懸諸太白斬絕其首遘二女之所乃

既縊二女姐已及嬖妾縊自縊也王又射之三發乃右擊之以輕

呂斬之以玄鉞懸諸小白玄鉞黑斧小白旗名也乃出場于厥

軍場平治社以及官徹宜去者宜居者居遷也及期百夫荷素質之旗于

王前素質白旗前為王道也一作以前于王叔振奏拜假羣臣諸侯應拜假者也則

曹叔振奏行也又陳常車周公把大鉞召公把小鉞以夾王

常車威儀車也三公夾衛王也泰顛闕天皆執輕呂以奏王王入即

位于社太卒之左執王輕呂當門奏大卒屯兵以衛也群臣畢從毛伯

鄭奉明水衛叔傅禮羣臣盡從王而康叔相禮召公奭贊采師尚

父牽牲贊佐采事也倅王也尹逸筴曰殷末孫受德迷先成湯

之明侮滅神祇不祀紂字受德也神祇天地也舉明天地則宗廟已下廢可知也

暴商邑百姓其彰顯聞於昊天上帝言上天五帝周皆知紂惡也

公再拜稽首乃出受天大命以改殷天明命王天口也立王子武庚命

管叔相為三監監殷人乃命召公釋箕子之囚命畢公衛叔

出百姓之囚紂所拘囚者也乃命南宮忽振鹿臺之財巨橋

之粟忽即括散之以施惠也乃命南宮百達史佚遷九鼎三巫

鼎王者所傳寶三巫地名乃命閔夭封比干之墓益其緣也乃命宗祀

崇賓饗禱之于軍宗祀主祀賓敬也饗祭前所禱之神乃班還鄰京也

周書 卷之四 三

大匡解第三十七

惟十有三祀王在管管叔自作殷之監東隅之侯咸

受賜于王王乃旅之以上東隅東隅自殷以東旅謁各使陳其政事者也

用大匡順九則八宅六位言大匡有此法寬儉恭敬夙夜有

嚴言當嚴敬思所順也昭質非樸樸有不明明執於私私回不

中中忠於欲思慧醜詐中於欲謂忠於絕私私欲也昭信非展展

盡不伊伊言於允思復醜譖展似信而非伊伊推也昭讓非背

背黨雍德德讓於敬思賢醜爭讓以得之非棄背也昭位非忿

忿非口直直立於衆思直醜比位所以行道非以息忿忿怒也昭政

非閑閑非遠節節政於進思止醜殘政以道民以禁閑之也故貴得

節也昭靜非窮窮居非意意動於行思靜醜躁仁者好靜窮非

取樂昭潔非為為窮非洎洎潔於行思義醜貪洎潔於利不以

自污昭因非疾疾非不貞貞固於事思任醜誕疾昭明

九則九醜自齊齊則曰知悖則死勇明此九法則所醜義成九法咸

則苟死於勇不知節勇知害上則不登于明堂明堂所以明道

明道惟法惟以法度化人法人惟重老重老惟寶嗚呼在昔

文考戰戰惟時祗祗汝其言所尊者老人及政之寶也文王唯敬是道汝其

用之汝諸侯也夙夜濟濟無競惟人惟允惟讓不遠群正不



通讒邪

言當近正士遠讒人

汝不時行汝害于士士惟都人孝

弟子孫

不行是文王之道其如此也

不官則不長官戒有敬官口

朝道舍賓祭器曰八宅

官以長官所戒惟敬則八宅順矣

綏比新故

外內貴賤曰六位

安之比之各以其道則位順也

大官備武小官成

長

承奉

大匡劫攝外用和大

和平大國

中匡用均勞故禮新

士大夫乃賓客

小匡用惠施舍靜衆

靜安也

禁請無怨順生分

殺不忘不憚

不計分部不失其理

俾若九則生欲在國國咸敬

順維敬敬惟讓讓惟禮

言周大匡使順九則生其所敬於國國人皆順之以敬讓

之禮也

辟不及寬有未假

不及言同假於王道

文政解第三十八

惟十有三祀王在管管蔡開宗循

管管叔之邑二叔開其宗族循鎬宗

之政言從化也

王禁九慝昭九行濟九醜尊九德止九過務

九勝傾九戒固七守順九典

九人所茂政也濟謂濟其醜以好也順此戒也

九慝一不類二不服三不則四口務有不功五外有

內通六幼不觀國七間不通徑八家不開列九大禁

不令路徑

刑法也令不宣令也

九行一仁二行三讓四言五固

六始七義八意九勇

意於道也

九醜思勇醜忘思意醜變

思治醜亂思固醜轉思信醜奸思讓醜殘思行醜頑

思仁醜豐殘謂殘禮義也九德一忠二慈三祿四賞五民之

利六商工受資七祗民之死八無奪農九足民之財

敬死勸葬也九過一視民傲二聽民暴三遠慎而近是民之財也

貍四法令亂五仁善是誅六不察而好殺七不念

害行八思前後九偷其身不路而助無漁九勝

一同二同三同惡潛謀四同好和困

五師征六迎旋便路七明賂施舍八幼子移成

九迪名書新潛謀潛密之謀也移成謂易子而教也九戒一蹈名之子書而新用

內有柔成二示有危傾三旅有罷寘四亂有立信五

教用康經六合詳毀成七色守維人八饑有兆積九

勞休無期

柔成善柔諂人也能寘言口困倉暗也康逸也合詳無德而信也守邑無備侍其人

衆皆危道

九守一仁守以均二智守以等三固守以典四

信守維假五城溝守立六廉守以名七戒守以信八

競守以備九國守以謀

言假言立信常至於義也

九典一祗道以

明之二稱賢以賞之三典師以教之四四戚以勞之

五位長以遵之六群長以老之七群醜以移之八什

長以行之九戒卒以將之

典師謀各隨所能而教之也遵行之以戒之事也將

之軍旅行陣也

鳴呼充虛為害無由不通無虛不敗

陰陽姦謂之充

國無人謂之虛也

### 大聚解第三十九

維武王勝殷撫國綏民乃觀於殷政告周公旦曰嗚

呼殷政總總若風草有所積有所虛和此如何

總總亂也

有積有虛言不平也

周公曰聞之文考來遠賓廉近者道別其

陰陽之利相土地之宜水土之便

禮遠賓廣近者道總土宜以受民也

營邑制命之曰大聚先誘之以四郊王親在之

四郊自近

始也在

察也。賓大夫免列以選赦刑以寬復亡解辱

亡者復之

辱者

解之削赦。重皆有數甚謂行風

行風化也

乃令縣鄙商

旅曰能來三室者與之一室之祿

以一大夫之耕祿者

闢開脩

道五里有郊十里有井二十里有舍

待行旅也

遠旅來至

關人易資舍其委

貨易共其資也

市有五均早暮如一送行

逆來振乏救窮

均平也言早暮一價

考弱疾病孤子寡獨惟政

所老

當先卹也

民有欲畜發令

命之畜牧

以國為邑以邑為鄉

以鄉為閭禍灾相卹資喪比服

邑間比相救卹比服祖喪服也

五戶

為伍以首為長十夫為什以年為長

首為伍家室服

合閭立

教以威為長合旅同親以敬為長

教由威行旅會敬親

飲食相

約興彈相庸耦耕口耘男女有婚墳墓相連民乃有

親言相通也六畜有群室屋既完民乃歸之畜牛馬猪羊犬雞卿

立巫醫具百藥以備疾灾畜五味以備百草草味同言五味

非一也立勤人以職孤立正長以順幼立職喪以卹死

立大葬以正同職立同立君子以脩禮樂立小人以教

用兵禮樂干戚兵之也立鄉射以習容春和獵耕耘以習遷

行群行出入坐起隨行教苧與樹藝比長立職與田疇皆通行根

田苧比長之職也連比也立祭祀與歲穀登下厚薄此謂德教登下

隨穀豐儉也若其凶土陋民賤食貴貨是不知政不順政故曰凶

山林藪澤以因其口工匠役工以政其材商賈趣市

以合其用

言政行也

外商資貴而來貴物益賤資賤物出

貴物以通其器

通其有無使相口也

夫然則關夷市平財無鬱

廢商不乏資百工不失其時無愚不教口無窮乏則

此謂和德

言政治和之所致也

若有不言乃政其凶陂溝道路

藜苴丘墳不可樹穀者樹以材木

除藜種木

春發枯槁夏

發葉榮秋發實疎冬發薪烝以匡窮困

以此匡之也

楫其

民力相更為師因其土宜以為民資

更相為師匡資次用也

則

生無乏用使無傳尸此謂仁德

傳於溝壑

旦聞禹之禁春

三月山林不登斧以成草木之長夏三月川澤不入



網罟以成魚鼈之長且以并農力執成男女之功男耕

女桑成此功也夫然則有生而不失其宜萬物不失其性人

不失其事天不失其時以成萬財萬財既成放此為

人此謂正德放散供人用也泉深而魚鼈歸之草木茂而鳥

獸歸之稱賢使能官有材而歸之關市平商賈歸之

分地薄歛農民歸之水性歸下農民歸利歷言自王然之至王

若欲求天下民先設其利而民自至譬之若冬日之

陽夏日之陰不召而民自來此謂歸德政善德之至也五德

既明民乃知常武王再拜曰嗚呼允哉天民側側余

知其極有宜

側側喻多長有國也

乃召昆吾冶而銘之金版藏

府而朔之

昆吾古之利冶朔月旦朔省之也

### 世俘解第四十

維四月乙未日武王成辟四方通殷命有國

言成者執殷俘

通之以為國也此克紂還歸而作也

惟一月丙辰旁生魄若翼日丁巳

王乃步自于周征伐商王紂

旁廣大月大時也此本紀始伐紂師度孟津也

越若來二月既死魄越五日甲子朝至接于商

越於也朔

後為死魄

則咸劉商王紂執天惡臣百人

劉克也夫惡太臣崇侯之黨

公望命禦方來丁卯望至告以馘俘

太公受命追禦紂黨方來戊

辰王遂禦循目祀文王時日王立政

禦追循亦祀以尅紂告祖考壇

惟而祭是曰立王政布天下

呂他命伐越戲方壬申荒新至告以

馘俘

呂他將也戲方紂三邑也

侯來命伐靡集于陳辛巳至告以

馘俘

侯來亦將也靡陳紂二邑也

甲申百弇以虎賁誓命伐衛告

以馘俘

百弇亦將

辛亥薦俘殷王鼎

殷國之鼎

武王乃翼矢珪

矢憲告天宗上帝

矢陳也稷太牢別於天也

王不韋服格于廟秉

語治庶國籥人九終

不改祭天之服以告祖考急於語治也廟無別人也

王烈

祖自太王太伯王季虞公文王邑考以列升維告殷

罪

虞公虞仲邑考文王子也皆升工於帝

籥人造王秉黃鉞正國伯

於蕭

人進則王進  
王伯之仕也  
壬子王服衮衣矢琰格廟籥人造王秉

黃鉞正邦君  
正諸侯之位也  
癸酉薦殷俘王士百人  
王士之士而

因俘者  
籥人造王矢琰秉黃鉞執戈王奏庸大享一終

王拜首稽首王定奏其大享三終  
大享鉞爵奏庸擊鍾  
甲寅謁

我殷于牧野王佩赤白旂籥人奏武王入進萬獻明

明三終  
謁告也明明詩篇名武以干羽為萬舞也  
乙卯籥人奏崇禹生開

三鍾終王定  
崇禹生開皆篇名告非一故連曰有事也  
庚子陳本命伐磨

百韋命伐宣方新荒命伐蜀乙巳陳本命新荒蜀磨

至告禽霍侯俘艾佚侯小臣四十有六禽禦八百有

三百兩告以馘俘

此復說尅紂所命伐也庚子三十六月禦大臣也

百韋至

告以禽宣力禽禦三十兩告以馘俘百韋命伐厲告

以馘俘

言兩隅之言也

武王狩禽虎二十有二猫二麋五千

二百三十五犀十有二鼈七百二十有一熊百五十

有一羆百一十有八豕三百五十有二貉十有八麋

十有六麇五十麋三十鹿三千五百有八

武王克紂遂掩其圖

所獲禽獸

武王遂征四方凡斃國九十有九國

斃惡也馘魔

億有十萬七千七百七十有九俘人三億萬有二百

三十

武王以不殺為仁無緣馘億也俘馘之多此大言之也

凡服國六百五十

有二

此屬紂也

時四月既旁生魄越六日庚戌武王朝

至燎于周維予冲子綏文

此於甲乙十六日也先廟後天者言功業已成故也

武王降自車乃俾史佚繇書于天號

使史佚用書重薦俘于天也

武王乃廢于紂矢惡臣人百人伐右厥甲小子鼎大

師廢其惡人伐其小子乃鼎之衆也

伐厥四十夫家君鼎帥司徒司

馬初厥于郊號

言初尅紂于商郊號令所伐也

武王乃夾于南門用

俘皆施佩衣衣先或入

言陳列俘藏于宗廟南門夾道以示衆也取乃表乏施之

以耻也

武王在祀太師負商王紂懸首白旂妻二首赤

旂乃以先馘入燎于周廟

王在祀主使樂師以紂首及妻首所馘入廟燎也

若翼日辛亥祀于位用籩于天位

此說詳庚戌明日郊天祭俘所用籩

衣事也

越五日乙卯武王乃以庶祀馘于國周廟翼予

冲子斷牛六斷羊二

於辛亥五以諸侯祭日其有斷煞者

庶國乃竟告

于周廟曰古朕聞文考修商人典以斬紂身告于天

于稷

言諸侯竟殺牲自周廟天稷也

用小牲羊豕於百神水土于

誓社

百神天宗水土山川誓告也

曰惟予冲子綏文考至于冲子

用牛于天子稷五百有四

乃宗廟山川也

用小牲羊豕于百

神水土祗二千七百有一

所用甚多似皆益之

商王紂于商郊

更說始伐紂時

時甲子夕商王紂取天智玉琰璫身厚以自

焚

天智王之上天美者也。瑱環以自厚也。

凡厥有庶告焚玉四千

衆人百武

王焚玉四千也

五日武王乃俾於人求之四千庶則銷天

智王五在火中不銷

紂身不盡王亦不銷

凡天智王武王則寶

與同

言王者所寶不銷也

凡武王俘商舊玉億有百萬

箕子

耆德

並亡





逸周書卷第五

晉

孔晁注

明 新安程榮校

商誓解第四十三

王若曰告爾伊舊何父□□□□幾耿肅執乃殷之  
舊官人序文□□□□及太史比小史昔及百官里  
居獻民□□□來尹師之敬諸戒疾聽朕言用胥生  
蠲尹王曰嗟爾衆予言若敢顧天命予來致上帝之  
威明明罰今惟新誥命爾敬諸朕話言自一言至于

十話言其惟明命爾王曰在昔后稷惟上帝之言克播百穀登禹之績凡在天下之庶民罔不維后稷之元穀用烝享在商先誓正明祀上帝□□□亦維我后稷之元穀用告和用胥飲食肆商先誓王維厥故斯用顯我西土今在商紂昏憂天下弗顯上帝昏虐百姓奉天之命上帝弗顯乃命朕文考曰殪商之多罪紂肆予小子發弗敢忘天命朕考胥翕稷政肆上帝曰必伐之予惟甲子尅致天之大罰□帝之來革紂之□予亦無敢違大命敬諸昔在我西土我其

有言胥告商之百無罪其維一夫予旣殛紂承天命  
予亦來休命爾百姓里居君子其周卽命□□□□  
□□□□□□□□□□□□□□□□□□□□□□□□  
□□□□□□爾冢邦君無敢其有不告見于我有周  
其比冢邦君我無攸愛上帝曰必伐之今之惟明告  
爾予其徃追□紂達趨集之于上帝天王子有命爾  
百姓獻民其有綴芎夫目敬其有斯天命不令爾百  
姓無告西土疾勤其斯有何重天維用重勤興起我  
罪勤我無克乃一心爾多子其人自敬助天永休于

我西土爾百姓其亦有安處在彼宜在天命口及惻  
興亂予保奭其介有斯易用天命若朕言在周曰商  
百姓無罪朕命在周其乃先作我肆罪疾予惟以先  
王之道御復正爾百姓越則非朕負亂惟爾在我王  
曰百姓我聞古商先誓王成湯克辟上帝保生商民  
克用三德疑商民弗懷用辟厥辟今紂棄成湯之典  
肆上帝命我小國曰革商國肆予明命汝百姓其斯  
弗用朕命其斯爾冢邦君商庶百姓予則口劉滅之  
上曰霍予天命維既咸汝克承天休于我有周斯小

國子有命不易昔我盟津帝休辨商其有何國命予小子肆我殷戎亦辨百度口口美左右予予肆劉殷之命今予維篤祐爾予史太史違我史視爾靖疑胥敬請其斯一話敢逸僭予則上帝之明命予爾拜拜口百姓越爾庶義庶刑予維及西土我乃其來卽刑乃敬之哉庶聽朕言罔胥告

度邑解第四十四

維王尅殷國君諸侯乃厥獻民徵主九牧之師見王于殷郊王乃升汾之阜以望商邑永歎曰嗚呼不淑

允天對遂命一日維顯畏弗忘王至于周自口至于  
丘中具明不寢王小子御告叔旦叔旦亟奔卽王曰  
久憂勞問周不寢曰安予告于王曰嗚呼旦惟天不  
享于殷發之未生至于今六十年夷羊在牧飛鴻過  
野天自幽不享于殷乃今有成維天建殷厥徵天民  
名三百六十夫弗顧亦不賓成用戾于今嗚呼于憂  
茲難近飽于卹辰是不室我來所定天保何寢能欲  
王曰旦予克致天之明命定天保依天室志我共惡  
俾從殷王紂四方赤宜未定我于西土我維顯服及

德之方明叔旦泣涕于常悲不能對王□□傳于後  
王曰旦汝維朕達弟子有使汝汝播食不遑暇食矧  
其有乃室今維天使子惟二神授朕靈期于未致予  
休于近懷子朕室汝維幼子大有知昔皇祖底于今  
勗厥遺得顯義告期付于朕身肆若農服田饑以望  
獲予有不顯朕卑皇祖不得高位于上帝汝幼子庚  
厥心庶乃來班朕大環茲于有虞意乃懷厥妻子德  
不可追于上民亦不可荅于朕下不賓在高祖維天  
不嘉于降來省汝其可瘳于茲乃今我兄弟相後我



筮龜其何所卽今用建庶建叔旦恐泣涕共于王曰  
嗚呼旦我圖夷茲殷其惟依天其有憲命求茲無遠  
天有求繹相我不難自洛汭延于伊汭居陽無固其  
有夏之居我南望過于三塗我北望過于有嶽不願  
瞻過于河宛瞻于伊洛無遠天室其曰茲曰度邑

武儆解第四十五

惟十有二祀四月王告夢丙辰出金枝郊寶鬮和細  
書命詔周公旦立後嗣屬小子誦文及寶典王曰嗚  
呼敬之哉汝勤之無蓋口周未知所周不周商無

也朕不敢望敬守勿失以詔寘小子曰允哉汝夙夜  
勤心之無窮也

五權解第四十六

維王不豫于五日召周公旦曰嗚呼敬之哉昔天初  
降命于周維在文考克致天之命汝維敬哉先後小  
子勤在維政之失政有三機五權汝敬格之哉克中  
無苗以保小子于位三機一疑家二疑德三□□疑  
家無授衆疑德無舉士質士無遠齊吁敬之哉天命  
無常敬在三機五權一曰地地以權民二曰物物以

權官三曰鄙鄙以權度四曰刑刑以權常五曰食食以權爵不遵承括食不宣不宣授臣極賞則澁澁得不食極刑則仇仇至乃別鄙庶則奴奴乃不滅大國則驕驕乃不給官無庶則荷荷至乃辛物庶則爵乃不和地庶則荒荒則聶人庶則匱匱乃匿嗚呼敬之哉汝慎和稱五權維中是以以長小子于位實維末寧

成開解第四十七

成王九年大開告用

周公大開告道成王用之也

周公曰嗚呼余

夙夜之勤今商孽競時逋播以輔余何循何循何慎

王其敬文命無易天不虞

言商餘紂子祿父競求是逋播逃越之人以自輔當

敬天命備不度者也

在昔文考躬修五典勉茲九功敬人畏天

教以六則四守五示三極祗應八方立忠協義乃作

祗敬

三極一天有九列別時陰陽三地有九州別起

五行三人有四佐佐官維明五示顯允明所望

四佐謂天

子前疑後丞右輔左弼也當明謂五示示於民也

五示一明位示士二明惠

示衆三明主示寧四安宅示孥五利用示產

王明三明安宅

妻子寧固利用則產業衆

產足窮家懷思終主爲之宗德以輔衆

和乃同言五示之義同為和同也四守一政盡人材材盡斃二土

守其城溝三障水以禦寇四大有沙炭之政在人盡其材則

死力效致大沙熾炭可以政適人也六則一和衆二發鬱三明怨四轉

怒五懼疑六因欲鬱謂穀帛滯積省也名則轉之懼則疑之欲則因之此文王所以尅

紂也九功一賓好在筭二淫巧破制三好危破事四任

利敗功五神巫動衆六盡哀民匱七荒樂無別八無

制破教九任謀生詐在筭謂貴幣於筭無節限也盡謂送終過制也無別亂同也任

謀謂權變也不犯此則成功也和集集以禁實有離莫遂通其五典

一言父典祭祭祀昭天百姓若敬二顯父登德德降

爲則則信民寧

言祭祀見享受福民乃化則法信民心也

三正父登過過

慎於武設備無盈

使正舉事過於前無自滿

四機父登失修□□

官官無不敬五□□□

制哀節用政治民懷

使刺譏之

士舉政之失其官官無不敬矣懷猶歸之也

五典有常政乃重開之守內

則順意外則順敬內外不爽是曰明王

重開言無爽也

王拜

曰允哉維予聞曰何鄉非懷懷人惟思思若不及禍

格無日

至格

式皇敬哉余小子思繼厥常以昭文祖定

武考之列

式用皇天

嗚呼余夙夜不寧

作雒解第四十八

武王克殷乃立王子祿父俾守商祀封以鄭連管叔

于東建蔡叔霍叔于殷俾監殷臣東謂衛曰鄘霍武

王既歸成歲十二月崩鎬肆于岐周乃謂乃後之周

公立相天子三叔及殷東徐奄及熊盈以略立謂為

也殷祿父徐戎奄謂殷之諸侯周公召公內弭父兄外撫諸侯九年

夏六月葬武王於畢弭安畢也二年又作師旅臨衛政殷

殷大震潰下叛其上曰潰降辟三叔王子祿父比奔管叔經

而卒乃囚蔡叔于郭凌郭凌地名囚拘也凡所征熊盈簇十

有七國俘維九邑俘囚為奴十七國之九邑罪重故囚之俘殷獻民遷

于九畢

賢民士大夫也九畢成周之地近王化也

俾康叔宇于殷俾中旄

父宇于東

康叔代霍叔中旄代管叔

周公敬念于後日予畏同室

克追俾中天下

成王二年秋迎周公二年春歸也周公追長尊王也

及將致政

乃作大邑成周于土中

王城也於天下土為中

城方千七百二

十丈郭方七百里南繫于洛水地因于刺山以為天

下之大湊

郭郭也繫因皆連接也湊會也

制郊甸方六百里國西上

為方千里

西土岐周通為圻內

分以百縣縣有四郡郡有口鄙

大縣城方王城三之一小縣立城方王城九之一

三三

九分居其一

都鄙不過百室以便野事

耕桑之事

農居鄙得以



庶士士居國家得以諸公大夫

居治也治鄙以農治國家以大夫

九

工賈胥市臣僕州里俾無交為

工商百胥人臣僕各異州里而居不相雜

交也胥待也

乃設丘兆于南郊以上帝配

設築壇城內郊

南郭也

日月星辰先王皆與食

先王后稷謂郊時

諸受命於周

乃建大社於周中

受封也

其瓊東青土南赤土西白土

北驪土中央豐以黃土將建諸侯鑿取其方一面之

土苞以黃土苴以白茅以為土封故曰受則大於周

室

其方諫建曹方諸侯以青土也覆茅苴累土封之為社也

乃位五官大廟宗宮

考宮路寢明堂

五官官府寺也太廟后稷二宮祖考廟也路寢王所居也明堂在國南者

也咸有四阿反玷重亢重郎常累復格藻稅誤移旅

楹

咸皆也廟四下日阿反玷外尚室也重亢累棟也重郎累屋也常累系也復格累之

孺也升藻稅畫梁柱也承屋曰移旅別也

內階玄階

堤唐山廡

以黑石為閭唐中庭道堤謂為高之也廡謂畫山雲

應門庫臺玄闈

門者皆有臺於庫門見之後可知也又以里石為門階也

### 皇門解第四十九

維正月庚午周公格左闕門會群門

格至也路寢左門曰皇門闕音

皇也曰嗚呼下邑小國克有耆老據屏位建沈入非不

用明刑

耆老之賢人也又建立沈伏賢人不用刑法

維其開告于予嘉德

之說

言下邑所行而我法之是開告我於善德之說

命我辟王小至三大我

聞在昔有國誓王之不綏于卹

小至於大者小大邦君也卹憂言思治也

乃維其有大門宗子勢臣內不茂揚肅德訖亦有孚

以助厥辟勤王國王家

大門宗子達長勢曰顯仕茂勉肅敬訖既也孚信也

乃

方求論擇元聖武夫羞于王所

言旁自羞進

其善臣以至

十有分私予苟克有常罔不允通咸獻言在于王所

私子庶孽也常謂常德言皆信通於義以益王也

人斯是助王恭明祀敷明

刑言善人君子皆順是助法王也

王周有監明憲朕命用克和有成

用能承天嘏命

監視明此事法故能承天命王天下也

百姓兆民用周

不茂在王庭

勉在王庭 獻言于王所也

先用有勸求有口于上下

上謂天下謂地也

人斯既助厥勤勞王家

助君也謂大明衆于也

先人

神祇報職用休俾嗣在厥家

先人及天地報之正用善詔家

三國用

寧小人用格口能稼穡咸祀天神戎兵克慎軍用克

多

神祐之故

王用奄有四鄰遠土丕承萬子孫用末被先

土之靈光

奄同丕大未終

至于厥後嗣弗見先王之明刑維

時反胥學于非夷

時有胥相爲是相學與非常也

以家相厥室弗卹

王國王家維德是用

言勢人以大夫私家不慶王家之用德

以昏求臣

作威不詳不屑惠聽無辜之亂

祥善也不察無罪以惡民也

亂是

羞于王言順不進王阜良乃惟不順之言于是人斯

乃非維直以應維作誣以對俾無依無助阜大良善也王求善

而是人作誣以對故王無依助也譬若略犬驕用逐禽其猶不克有

獲驕謂不習也言人之無是人斯乃讒賊媚嫉以

不利于厥家國言賊仁賢忌媚嫉譬若匹夫之有婚

妻曰予獨服在寢以自露厥家收室也言自露於家

媚夫有邇無遠乃食蓋善夫俾莫通在士王所食為

媚夫見近利而無遠慮利為遠蓋善夫使莫通乃惟有奉狂夫是陽是繩

以為上是按司事于正長言陽舉狂夫以為上人命

用迷亂獄用無成小民率穡

命者教也率皆痛愁用也

保用無用

壽亡以嗣天用弗保

民之用無所宣施是故民失其性天所不安用非其人故也

媚夫先受殄罰國亦不寧嗚呼敬哉監于茲朕維其

及

殄絕其世也及其人也

朕蓋臣夫明爾德以助予一人憂

進

也言我進用之臣夫明明之德助我憂天下者

無維乃身之暴皆卹爾假予

德憲資告予元

假借資用也借我法用德之告我我大德之所行也

譬若衆略

常扶予險乃而予于濟

如衆令畷獵相扶持也濟遂也

汝無作

### 大戒解第五十

維正月既生魄王訪于周公曰嗚呼朕聞維時兆厥

工非不顯朕實不明

兆始工官言政治  
是始正其官

維士非不務

而不得助大則驕小則懾懾謀不極

言務求士而不  
得助如此之難

極中予重位與輕服非共得福厚用遺

重所重在於  
重位輕重所

立非夫德而厚福用  
之是求益之言也

庸止生郊庸行信貳衆輯群政

不輯自匿嗚呼予夙勤之無或告余非不念念不知

止容端則信貳則難  
之無有告我者

中我也我雖勤  
而不得明知也周公曰於敢稱

乃武王之言曰微言入心夙喻動衆大乃不驕行惠

於小衆乃不懾

言汝之武  
王有言

連官集乘同憂若一謀有

不行茲惟重告再

連官則同憂  
同濟謀有不行必行也

庸厲

以餌士權先申之明約必遺之

餌謂爵祿  
權謂勢重

其位不尊

其謀不陽我不畏敬材在四方

車當畏敬賢者尊其  
位陽其謀也在四方

言無擅于人塞匿勿行患戚咸服孝悌乃明

擅人專  
己塞逆

陰忌哀惠  
順戚近也

明立威耻亂使衆之道撫之以惠内姓無

感外姓無謫

鄙印其亂則思治矣内長  
同姓同宗外異姓謫過

人知其罪上

之明審教幼乃勤貧賤制設九備乃無亂謀

上明  
則不

應情故  
日知罪

九備一忠正不荒美好乃不作惡

順人心明  
察則民化

而  
善

四說聲色憂樂盈匿五碩信傷辯日費六

出觀好怪内乃淫巧

碩大  
怪異

七謀躁内乃荒異八



□□好威民衆日逃九富寵極足是大極內心其離

也室九備既明我貴保之應協以動遠邇同功應協以動

動必以和謀和適同覆以觀之上明仁義援貢有備上謂君也

聚財多□以援成功克禁淫謀衆匿乃雍言閉塞不行也順

得以動人以立行輯佐之道上必盡其志然後得其

謀言和輯求助當先順人也無□其信雖危不動□□以昭其乃

得人轉移貞信如此得其用也上危而轉下乃不親上危而下不親之不足信

故王拜曰允哉允哉敬天行道

逸周書卷第五終

逸周書卷第六

晉

孔晁注

明 新安程榮校

周月解第五十一

惟一月既南至昏昴畢見日短極基踐長微陽動于  
黃泉陰慘于萬物是月斗柄建子始昏北指陽氣虧  
草木萌蕩日月俱起于牽牛之初右回而行月周天  
起一次而與日合宿日行月一次周天歷舍于十有  
二辰終則復始是謂日月權輿周正歲道數起于時

一而成于十次一爲首其義則然凡四時成歲有春  
夏秋冬各有孟仲季以名十有二月中氣以著時應  
春三月中氣雨水春分穀雨夏三月中氣小滿夏至  
大暑秋三月中氣處暑秋分霜降冬三月中氣小雪  
冬至大寒閏無中氣斗指兩辰之間萬物春生夏長  
秋收冬藏天地之正四時之極不易之道夏數得天  
百王所同其在商湯用師于夏除民之災順天革命  
改正朔變服殊號一文一質示不相鉛以建丑之月  
爲正易民之視若天時大變亦一代之事亦越我周

王致伐于商改正異械以垂三統至於敬授民時巡狩祭享猶自夏焉是謂周月以紀于政

時訓解第五十二

立春之日東風解凍又五日蟄蟲始振又五日魚上冰風不解凍號令不行蟄蟲不振陰虧陽魚不上冰甲冑私藏雨水之日獺祭魚又五日鴻鴈來又五日草木萌動獺不祭魚國多盜賊鴻鴈不來遠人不服草木不萌動果蔬不孰驚蟄之日樨始華又五日倉庚鳴又五日鷹化爲鳩桃始不華是謂陽否倉庚不

鳴臣不口主鷹不化鳩寇戎數起春分之日玄鳥至  
又五日雷乃發聲又五日始電玄鳥不至婦人不口  
雷不發聲諸侯口民不始電君無威震清明之日桐  
始華又五日田鼠化爲鴛又五日虹始見桐不華歲  
有大寒田鼠不化鴛國多貪殘虹不見婦人苞亂穀  
雨之日萍始生又五日鳴鳩拂其羽又五日戴勝降  
于桑萍不生陰氣憤盈鳴鳩不拂其羽國不治兵戴  
勝不降于桑政教不中立夏之日螻蝈鳴又五日蚯  
蚓出又五日王瓜生螻蝈不鳴水潦淫漫蚯蚓不出

嬖奪后王爪不生困於百姓小滿之日苦菜秀又五  
日靡草死又五日小暑至苦菜不秀賢人潛伏靡草  
不死國縱盜賊小暑不至是謂陰慝芒種之日螳螂  
生又五日鴟始鳴又五日反舌無聲螳螂不生是謂  
陰息鴟不始鳴令姦壅偪反舌有聲佞人在側夏至  
之日鹿角解又五日蜩始鳴又五日半夏生鹿角不  
解兵戈不息蜩不鳴貴臣放逸半夏不生民多厲疾  
小暑之日溫風至又五日蟋蟀居壁又五日鷹乃學  
習溫風不至國無寬教蟋蟀不居壁急迫之暴鷹不

學習不備戎盜大暑之日腐草化爲螢又五日土潤  
溽暑又五日大雨時行腐草不化爲螢穀實鮮落土  
潤不溽暑物不應罰大雨不時行國無恩澤立秋之  
日涼風至又五日白露降又五日寒蟬鳴涼風不至  
無嚴政白露不降民多邪病寒蟬不鳴人皆力爭處  
暑之日鷹乃祭鳥又五日天地始肅又五日禾乃登  
鷹不祭鳥師旅無功天地不肅君臣乃口農不登穀  
暖氣爲災白露之日鴻鴈來又五日玄鳥歸又五日  
群鳥養羞鴻鴈不來遠人背畔玄鳥不歸室家離散

群鳥不養羞下臣驕慢秋分之日雷始收聲又五日  
蟄蟲培戶又五日冰始涸雷不始收聲諸侯淫佚蟄  
蟲不培戶口靡有賴水不始涸甲蟲爲害寒露之日  
鴻鴈來賓又五日爵入大水化爲蛤又五日菊有黃  
華鴻鴈不來小民不服爵不入大水失時之極菊無  
黃華土不稼穡霜降之日豺乃祭獸又五日草木黃  
落又五日蟄蟲咸俯豺不祭獸爪牙不良草木不黃  
落是爲愆陽蟄蟲不咸俯民多流亡立冬之日水始  
冰又五日地始凍又五日雉入大水爲蜃水不冰是



伏陰負地不始凍咎徵之咎雉不入大水國多淫婦  
小雪之日虹藏不見又五日天氣上騰地氣下降又  
五日閉塞而成冬虹不藏婦不專一天氣不上騰地  
氣不下降君臣相嫉不閉塞而成冬母后淫佚大雪  
之日鳴鳥不鳴又五日虎始交又五日荔挺生鸚鳥  
不鳴口口虎不始交口口口口荔挺不生卿士專權  
冬至之日蚯蚓結又五日麋角解又五日水泉動蚯蚓  
不結君政不行麋角不解兵甲不藏水泉不動陰  
不承陽小寒之日鴈北向又五日鵲始巢又五日雉

始雛鴈不北向民不懷主鵠不始巢國不寧雉不始  
雛國大水大寒之日鷄始乳又五日鷲鳥厲疾又五  
日水澤腹堅雞不始乳淫女亂男鷲鳥不厲國不除  
兵水澤不腹堅言乃不從

謚法解第五十四

維周公旦太公望開嗣王業攻于牧野之中終葬乃

制謚叙法謚者行之迹也號者功之表也車服位之

章也

古者有大功則善號以爲福也

是以大行受大名細行受小名

行出於己名生於人

名謂號謚

一人無名曰神

不名壹善

稱善

口間曰聖所稱得人所善敬賓厚禮曰聖聖於禮也德象

天地曰帝同於天地靜民則法曰皇靜安仁義所在曰王民從

也之立制及衆曰公志無私也執應八方曰侯所執行八壹

德不解曰簡壹不委曲平易不疵曰簡疵多病也經緯天地曰

文成其道也道德博厚曰文無不知之學勤好問曰文不耻下問慈

惠愛民曰文惠以成文也愍民惠禮曰文以禮安人錫民爵位

曰文與可舉也剛疆直理曰武剛無欲疆不撓直正無曲理忠恕也威疆敵

德曰武思有德者敵也克定禍亂曰武以兵征故解也刑民克服曰

武法正民能使服大志多窮曰武大志行兵多所窮也敬事供上曰恭

恭奉也 尊賢貴義曰恭 尊貴賢人 寵貴義士 尊賢敬讓曰恭 敬有德讓

有功既過能改曰恭 言有智也 執事堅固曰恭 守正不移 安民長

悌曰恭 順長按弟 執禮敬賓曰恭 迎侍賓也 比親之門曰恭 無德

以益之也 尊長讓善曰恭 不尊已善推於他人 淵源流通曰恭 性無所忌

也 照臨四方曰明 以明照之 譖訴不行曰明 逆知之故不行 威儀

悉備曰欽 威則可畏儀則可象 大慮靜民曰定 思樹惠也 安民大慮

曰定 以慮安民 安民法古曰定 不失舊意也 純行不二曰定 行壹

不傷 謀慮不威曰德 不以威相拒也 辟地有德曰襄 取之以義 甲冑

有勞曰襄 言成征伐 有伐而還曰釐 知難而退 質淵受諫曰釐

深故能受言周愛親族也慈惠愛親曰釐雖多能不至大

道聰明啟哲曰獻有通知之聰也溫柔聖善曰懿性純也五宗

安之曰孝五世之宗也協時肇享曰孝協合肇始也秉德不

回曰孝順於德而不逆大慮行節曰孝言成其節執心克莊曰齊

能自輔輕供就曰齊輕有所輔而供成也温年好樂曰康好豐年勤

民事安樂撫民曰康無四方之虞令民安樂曰康富而教之安民

立政曰成政以安之布德執義曰穆穆純也中情見貌曰穆

任口路也敏以敬順曰傾無所不敬順也昭德有勞曰昭能勞謙也聖

文周達曰昭聖文通治也保民耆艾曰胡六十曰耆七十曰艾彌年

壽考曰胡

大其年也

彊毅果敢曰剛

彊於仁義致果曰毅

追補前過

曰剛

勸善以補過也

柔德考眾曰靜

成衆使安也

供已解言曰靜

供已之身解言而正

寬樂令終曰靜

性寬樂義以善自終

治而清省曰平

無失闕之病也

執事有制曰平

在位平意也

布綱治紀曰平

施之政事

由義而濟曰景

用義而成也

布義行剛曰景

以剛行義也

清白

守節曰貞

行清白志固也

大慮克就曰貞

能大慮非正則不可

不隱無

克曰貞

坦然而無私也

彊以剛果曰威

彊甚於剛也

猛以彊果曰

威

亦彊其於剛也

彊毅信正曰威

信正言無邪也

辟土服遠曰桓

兼人

故啟道德純一曰思

道大而德一也

不背兆民曰思

大親民而不殺

外內思索曰思言求善也追悔前過曰思思而能改也柔質受

課曰惠以惠愛惠能思辨衆曰元別之使各有次也行義說民曰

元民說其義始建國都曰元非善之長可一始也主義行德曰元以義

為主作德政也兵甲亟作曰莊以數征為嚴歡通克服曰莊通達使能

服也死於原野曰莊非嚴何難屢征曰伐曰莊以嚴口之武而

不遂曰莊武功不成克殺秉正曰夷秉正不任賢也安心好靜曰

夷不與正也執義揚善曰懷私人之善慈義短折曰懷短未六折未

三夙警戒曰敬敬身思戒夙夜恭事曰敬敬以莊事也象方益

平曰敬法以敬也之常而加合善法典曰敬非敬何以善也述善不克

曰丁不能成義述義不悌曰丁不悌遜順也有功安民曰烈以武

立功秉德遵業曰烈遵世業不墮改剛克為伐曰翼成功也思慮

深遠曰翼好遠思白能也剛德克就曰肅成其不欲使為就執心決

斷曰肅言嚴果也愛民好洽曰戴好民治也典禮不塞曰戴口

死而志成曰靈立志不口命也亂而不損曰靈不口極知鬼

事曰靈知其能聯徹也不勤成名曰靈本任性不見賢思齊死見鬼能

曰靈有鬼為厲好祭鬼神曰靈敬鬼神不能遠也短折不成曰殤

有知而天殤也未家短折曰殤未家者未室家也不顯尸國曰隱以聞

主國也隱拂不成曰隱言其隱拂改其性也年中早夭曰悼年不肆志



肆行勞祀曰悼

縱於心勞於淫祀言不脩德也

恐懼從處曰悼

從處言口

地也不思忘愛曰刺

忌其愛已者也

悞恨遂禍曰刺

去諫曰悞反是曰恨

外內從亂曰荒

官不治家不理

好樂怠政曰荒

淫於聲色故怠政事

在

國逢難曰愍

逢兵寇之事也

使民折傷曰愍

苛政賊害

在國連憂

曰愍

仍多大喪

禍亂方作曰愍

國無政動長亂

蚤孤短折曰哀

早者

未知人事

恭仁短折曰哀

體恭質仁功未施也

蚤孤有位曰幽

有喪即位

而卒也

壅遏不通曰幽

弱損不日也

動祭亂常曰幽

易神之班克

威捷行曰魏

有威而敏行

克威惠禮曰魏

有威而敏行也

去禮遠

衆曰煬

內好多淫外則荒政

醜心動懼曰甄

甄積也

容儀恭美曰

勝有儀可象威德剛武曰圉圍也聖善周聞曰

宣聞謂所聞治民克盡曰口克盡無行見中外曰慈

言表裏勝敵壯志曰勇不口照切寧民曰商明有狀

古迷今日譽言直心能制義曰庶制得好和不爭曰

安失在外內真復曰白正而口終不生其國曰聲知

不致戮無辜曰厲賊良官人應實曰知能官凶年無

穀曰糠不務名實不爽曰質不爽不悔前過曰戾知

不温良好樂曰良言人行可怙威肆行曰醜肆意勤

政無私曰類無私惟好變動民曰躁數移慈和徧服

周書 卷六 九

曰順

能使人皆服其慈和

滿志多窮曰感

自足者必不足也

危身奉上

曰忠

險不辭勞也

思慮深遠曰

自任多近於專

息政外交曰推

不自明而恃外也

疏遠繼位曰紹

非其次第偶得之也

彰義掩過曰堅

明義以前過

肇敏行成曰直

始疾行成言不深也

內外賓服曰止

以言

正也

華言無實曰

口

教誨不倦曰長

以道教之也

愛民在刑曰克

道之以政齊之以刑

嗇於賜與曰愛

言貪悛也

逆天

虐民曰煬

所尊天而逆天

好廉自克曰節

自節以情欲也

擇善而從

曰比

比方善而從之

好更改舊曰易

變改故常

名與實爽曰謬

言名

美而實傷

思厚不爽曰愿

不差所思而得也

貞心大度曰匡

心正而明

察也 隱哀之也施爲文也除爲武也除惡辟地爲襄視遠

爲恒剛克爲發柔克爲懿履亡爲莊有過爲僖施而

不成曰宣惠而內德曰獻無內德惠不成也治而生膏爲平

亂而不損爲靈由義而濟爲景失無口則以其明餘

口象也以其明所及爲謚象謂象其事行也和會也勤勞也遵循也爽

傷也肇始也又治也康安也怙恃也享祀也胡大也

服敗也康順也就會也愒過也錫與也典常也肆於

也糠虛也敬聖也惠愛也綏安也堅長也耆疆也考

成也周至也懷思也式法也敏疾也捷克也載事也

彌久也

明堂解第五十五

大維商紂暴虐晡鬼侯以享諸侯天下患之四海兆  
民欣戴文武是以周公相武王以伐紂夷定天下既  
克紂六年而武王崩成王嗣幼弱未能踐天子之位  
周公攝政君天下弭亂六年而天下大治乃會方國  
諸侯於宗周大朝諸侯明堂之位天子之位負斧扆  
南面立率公卿士侍于左右三公之位中階之前北  
面東上諸侯之位阼階之東西面北上諸伯之位西

階之西東面北上諸子之位門內之東北面東上諸男之位門內之西北面東上九夷之國東門之外西面北上八蠻之國南門之外北面東上六戎之國西門之外東面南上五狄之國北門之外南面東上四塞九口之國世告至者應門之外北面東上宗周明堂之位也明堂明諸侯之尊卑也故周公建焉而明諸侯於明堂之位制禮作樂頒度量而天下大服萬國各致其方賄七年致位於成王

嘗麥解第五十六

維四年孟夏王初祈禱于宗廟乃嘗麥于太祖是月  
王命大正正刑書爽明僕告旣駕少祝導王亞祝迎  
王降階卽假于太宗少宗少祕于社各牡羊一牡豕  
三史導王于北階王涉階在東序乃命太史尚太正  
卽居于戶西南向九州口伯咸進在中西向宰乃承  
王中升自客階作筭執筭從中宰望尊中于大正之  
前太祝以王命作筭筭告太宗王命口口祕作筭許  
諾乃北向繇書于內楹之門王若曰宗楨大正昔天  
之初口作二后乃設建典命赤帝分正二卿命蚩尤

于宇少昊以臨四方司□□上天未成之慶蚩尤乃  
逐帝爭于涿鹿之河九隅無遺赤帝大懼乃說于黃  
帝執蚩尤殺之于中異以甲兵釋怒用大正順天思  
序紀于大帝用名之曰絕轡之野乃命少昊請司馬  
鳥師以正五帝之宮故名曰質天用大成至于今不  
亂其在殷之五子忘伯禹之命假國無正用胥興作  
亂遂凶厥國皇天哀禹賜以彭壽思正夏略今予小  
子聞有古遺訓予亦述朕文考之言不易予用皇威  
不忘稷天之明典令□我大治用我九宗正州伯教



告于我相在大國有殷之口辟自其作口于古是威厥邑無類于冀州嘉我小國小國其命余克長國王嗚呼敬之哉如木旣顛厥巢其猶有枝葉作休爾弗敬恤爾執以屏助予一人集天之顯亦爾子孫其能常憂恤乃事勿畏多寵無愛乃嚚亦無或刑于鰥寡菲罪惠乃其常無別于民衆臣咸興受大正書乃降大史筴刑書九篇以升授大正乃左還自兩柱之間口箴大正曰欽之哉諸正敬功爾頌審三節無思民因順爾臨獄無頗正刑有掇夫循乃德式監不遠以

有此人保寧爾國克戒爾服世世是其不殆維公咸  
若太史乃降太正坐舉書乃中降再拜稽首王命太  
史正升拜于上王則退是月士師乃命太宗序于天  
時祠大暑乃命少宗祠風雨百享士師用受其馘以  
爲之資邑乃命百姓遂享于富無思民疾供百享歸  
祭間率里君以爲之資野宰乃命冢邑縣都祠于太  
祠乃風雨也宰用受其職馘以爲之資采君乃命天  
御豐穡享祠爲施大夫以爲資歲太史乃藏之于盟  
府以爲歲典

周書  
卷六  
十三  
本典解第五十七

維四月既生魄王在東宮召公告周公曰嗚呼朕聞武考不知乃問不得乃學俾資不肖未無惑矣今朕不知明德所則政教所行字民之道禮樂所生非不念而知故問伯父周公再拜稽首曰臣聞之文考能求士□者智也與民利者仁也能收民獄者義也能督民過者德也爲民犯難者武也智能親智仁能親仁義能親義德能親德武能親武五者昌于國曰明明能見物高能致物物備咸至曰帝帝鄉在地曰本

本生萬物曰世世可則 曰至至德照天百姓□驚  
備有好醜民無不戒顯父登德德降則信信則民寧  
爲畏爲極民無滯慝生民知常利之道則國彊序民  
好醜□必固其務均分以利之則民安□用以資之  
則民樂明德以師之則民讓生之樂之則母之禮也  
政之教之遂以成之則父之禮也父母之禮以加于  
民其慈□□古之聖王樂體其政士有九等皆得其  
宜曰材多人有八政皆得其則曰禮服士樂其生而  
務其宜是故奏鼓以章樂奏舞以觀禮奏歌以觀和

禮樂既和其上乃不危王拜曰允哉幼愚敬守以爲

本典

逸周書卷第七

晉

孔晁注

明 新安程榮校

官人解第五十八

王曰嗚呼大師朕維民務官論用有徵觀誠考言視  
聲觀色觀隱揆德可得聞乎周公曰亦有六徵嗚呼  
乃齊以揆之一曰富貴者觀其有禮施貧賤者觀其  
有德守嬖寵者觀其不驕奢隱約者觀其不懾懼其  
少者觀其恭敬好學而能悌其壯者觀其廉潔務行

而勝私其老者觀其思慎而口彊其所不定者觀其  
不踰父子之間觀其和友君臣之間觀其忠惠鄉黨  
之間觀其信誠省其居處觀其方口省其喪哀觀其  
貞良省其出入觀其交友省其交友觀其任廉設之  
以謀以觀其智示之以難以觀其勇煩之以事以觀  
其治臨之以利以觀其不貪濫之以樂以觀其不荒  
喜之以觀其輕口之以觀其重醉之酒以觀其恭從  
之色以觀其常道之以觀其不二昵之以觀其不狎  
復徵其言以觀其精曲省其行以觀其備此之謂觀

誠二曰方與之言以觀其志口以淵其器寬以悌其  
色儉而不諂其禮先人其言後人見其所不足曰益  
者也好臨人以色高人以氣賢人以言防其所不足  
發其所能曰損者也其貌直而不止其言正而不私  
不飾其美不隱其隱不防其過曰有質者也其貌曲  
媚其言工巧飾其見物務其小證以故自說曰無質  
者也喜怒以物其色不變煩亂以事而志不營深導  
以利而心不移臨懾以威而氣不卑曰平心而固守  
者也喜怒以物而心變易煩亂以事而志不治導之



以利而心遷移臨懾以威而氣慄懼曰鄙心而假氣者也設之以物而數決敬之以卒而度應不文而辯曰有慮者也難決以物難悅以守一而不可變因而不知止曰愚依人也營之以物而不誤犯之以卒而不懼置義而不可遷臨之貨色而不過曰果敢者也移易以言志不能固已諾無決曰弱志者也順予之弗爲喜非奪之弗爲怒沉靜而寡言多稽而險貌曰質靜者也屏言弗顧自順而弗護非是而彊之曰始誣者也微而能發察而能深寬順而恭儉溫柔而能

斷果敢而能屈曰志治者也華廢而誣巧言令色皆以無爲有者也此之謂考言三曰誠在其中必見諸外以其聲處其實氣初生物物生有聲聲有剛柔清濁好惡咸發于聲心氣華誕者其聲流散心氣順信者其聲順節心氣鄙戾者其聲醒醜心氣寬柔者其聲溫和信氣中易義氣時舒和氣簡備勇氣壯力聽其聲處其氣考其所爲觀其所由以其前觀其後以其隱觀其顯以其小占其大此之謂視聲四曰民有五氣喜怒欲懼憂喜氣內蓄雖欲隱之陽喜必見怒

氣內蓄雖欲隱之陽怒必見欲氣懼氣憂悲之氣皆  
隱之陽氣必見五氣誠于中發形于外民情不可隱  
也喜色猶然以出怒色薦然以侮欲色嫗然以愉懼  
色薄然以下憂悲之色瞿然以靜誠智必有難盡之  
色誠仁必有可尊之色誠勇必有可新之色誠潔必  
有難汗之色誠口必有可信之色質浩然固以安僞  
蔓然亂以煩雖欲改之中色弗聽此之謂觀色五曰  
民生則有陰有陽人多隱其情飾其僞以攻其名有  
隱於仁賢者有隱於智理者有隱於文藝者有隱於

廉勇者有隱於交友者如此不可不察也小施而好德小讓而爭大言願以爲質口愛以爲忠尊其得以改其名如此隱於仁賢者也前總唱切慮誠弗及佯爲不言內誠不足色示有餘自順而不讓措辭而弗遂此隱於智理者也動人以言竭而弗終問則不對佯爲不窮口貌而有餘假道而自順因之口初窮則託深如此者隱於文藝者也口言以爲廉矯厲以爲勇內恐外誇亟稱其說以詐臨人如此隱於廉勇者也自事其親而好以告人飾其見物不誠於內發名

以事親自以名私其身如此隱於忠孝者也比周以  
相譽知賢可徵而左右不同不同而交交必重口心  
說而身弗近口口而實不至懼不盡見於衆而貌克  
如此隱於交友也此之謂觀隱六曰言行不類終始  
相悖外內不合雖有假節見行曰非成質者也言忠  
行夷爭靡及私口弗求及情忠而寬貌莊而安曰有  
仁者事變而能治效窮而能達措身立方而能遂  
曰有知者也少言以行恭儉以讓有知而言弗發有  
施而口弗德曰謙良者也微忽之久而可復幽間之

獨而弗克其行亡如存曰順信者也貴富恭儉而能  
施嚴威有禮而不驕曰有德者也隱約而不懾安樂  
而不奢勤勞而不變喜怒而有度曰有守者也直方  
而不毀廉潔而不戾彊立而無私曰有經者也虛以  
待命不召不至不問不言言不過行行不過道曰沈  
靜者也忠愛以事親驩以盡力而不回敬以盡力而  
不口曰忠孝者也合志而同方共其憂而任其難行  
忠信而不疑口隱遠而不舍曰交友者也志色亂氣  
其人甚偷進退多巧就人甚數辭不至少其所不足

謀而不已曰僞詐者也言行亟變從容克易好惡無  
 常行身不篤曰無誠者也少知而不大決少能而不  
 大成規小物而不知大倫曰華誕者也規諫而不類  
 道行而不平曰竊名者也故曰事阻者不夷時口者  
 不回果敢者也飾貌者不靜假節者不平多私者不  
 義揚言者寡信此之謂揆德

王會解第五十九

成周之會墾上張赤奔陰羽

王城既成大會諸侯及四夷也陰鶴也以羽飾

帳也除地曰墾

天子南面立纒無繁露朝服八十物播

挺

繁露冕之所垂也所尊敬則有焉八十物大小所服播笏也

唐叔荀叔周公

在左太公望在右皆纒亦無繁露朝服七十物播笏

旁天子而立於堂上

唐荀國名皆成王弟故曰叔旁差在後也近天子後故其冕謂

亦無旒也

堂下之右唐公虞公南面立焉

唐虞二公堯舜後也

堂下

之左殷公夏公立焉皆南面纒有繁露朝服五十物

皆播笏

杞宋二公冕有繁露播笏則唐虞闕也

為諸侯之有疾病者阼

階之南祝淮氏榮氏次之皆西南彌宗旁之

淮榮二視之氏

也彌宗官各次珪璜南差在後

為諸侯有疾病者之醫藥所居

使諸左右

也居則至也

相者太史魚太行人皆朝服有繁露

魚太史各及太



行人皆贊相賓客禮儀也堂下之東面郭叔掌為天子業幣焉統

有繁露郭叔統文王弟業錄諸侯之幣也內臺西面者正北方應侯

曹叔伯舅中舅內臺中臺也應侯成王弟比服次之要服次之荒

服次之西方東面正北方伯父中子次之此要服於比服轉遠

殊故殊其名非夷狄之四荒也伯父姬姓之國中子於王子中行者也方千里之外為

比服方千里之內為要服三千里之內為荒服是皆

朝於內者此服各因於殷非周制也堂後東北為赤弁焉浴盆在

其中雖不用而設之敬諸侯也其西天子車立馬乘亦青陰羽鳧

旌鶴鳧羽為旌旄中臺之外其右泰士臺右彌士外謂臺之東西也外

臺右太士右彌士士言受贄者八人東面者四人

幣士也四人東面則西面四人也陳幣當外臺天玄獸宗馬十二

帛被馬於外臺天玄黑獸宗尊也王玄繚碧基十二

之玄繚謂之黑組組之基王各有十二基也參方玄繚壁豹虎皮十二

陳檠三所也壁皮兼陳也四方玄繚壁琰十二

外臺之四隅張赤奕為諸侯欲息者皆息焉命之曰

爻間每角張息者隨所近也侯稱爻也周公旦主東方所之青馬黑

獸謂之母兒周公主東方則太公主西方東青馬則西白馬矣馬名未聞其守營

牆者衣青櫟弓執矛戰也各異方西面者正北方稷慎大

塵稷慎肅慎也貢塵似鹿正北內臺北也穢人前兒前鬼若彌猴立行

聲似小兒穢韓穢東夷別種良夷在子在子口身人首脂其

腹炙之霍則鳴曰在子良夷樂狼之夷也貢奇獸揚州禺禺魚名

解諭寇亦奇魚也發人鹿鹿者若鹿迅走發亦東夷迅疾俞人雖

馬俞東北夷雖馬舊駕口角大者曰鱗也青丘狐九尾青丘海東地名周頭輝

羶輝羶者羊也周頭亦海東名也黑齒白鹿白馬黑齒西遠之夷也貢

白鹿白馬白民乘黃乘黃者似騏背有兩角白民亦南夷東越

海蛤東越則海際蛤文蛤歐人蟬蛇蟬蛇順食之美東越歐人也北交州

蛇特多為上珍也姑於越納口姊妹珎姊妹國後屬越且甌文蜃且

在越文蜃大蛤也若人玄貝若人吳越之蠻玄貝照貝也海陽大鱗海水之陽

一蠻盈車自深桂自深亦南蠻也會稽以鞞皆西嚮其皮可以為鼓首自塵以

下至此正北方義渠以茲白茲者白若白馬鋸牙食

虎豹亦在臺北與大塵相對義渠西戎國茲白一名駁者也史林以尊耳尊耳

者身若虎豹尾長三尺其身食虎豹史林戎之在西南者北唐

戎以間閭以險冠北唐戎在西北者也射禮以間象為射器渠叟以鼯犬

鼯犬者露犬也能飛食虎豹渠叟西戎之別名也樓煩以星施

星施者珥旄樓煩北狄珥旄所以為旄羽耳十盧以牛牛者牛之小

者也十盧盧人西札戎也合盧水是區陽以鼈封者若彘前後有首

區陽亦戎之名也規矩以麟者獸也規矩亦戎也麟似鹿生尾一角鳥歸也西

申以鳳鳥鳳鳥者戴仁抱義掖信歸有德其形似雞蛇首魚尾

戴仁向仁國抱義懷有義掖信歸有德之君也丘羗鸞鳥丘地之羗不商故謂之丘羗今謂之

亦歸仁義也巴人以比翼鳥巴人在南者不比不飛其名曰鷦鷯方

揚以皇鳥方揚亦戎別名也皇鳥配於鳳者也蜀人以文翰文翰者若

臯雞鳥有文彩者臯雞似鳥翼州謂之澤特也方人以孔鳥亦戎別名孔與鸞相匹也

鸞揚之翟揚州之蛮貢翟鳥倉吾翡翠翡翠者所以取羽倉吾

亦蛮也翠羽其色青而有黃也其餘皆可餘謂衆諸貢物也言政化

之所南人至衆皆北嚮南人南越伊尹朝獻商書言別有南越此書也

不周書錄中以事類來附

王會期朝貢事故今附合

湯問伊尹曰

諸侯來獻或無馬牛之所生而獻遠方之物事實相

反不利

非其所有而當遠求於民故不利也

今吾欲因其地勢所有獻

之必易得而不貴其為四方獻令

制其品罷之令

伊尹受命

於是為四方令曰臣請正東符婁仇州伊慮漚深九

夷十蠻越漚鬻文身

十者東夷蠻越之別称剪文身因其事以各也

請令

以魚支之鞞口劍之醬鮫蔽利劍為獻

鞞刀削劍魚名蔽盾也以

鮫皮作之鮫文魚也

正南甌鄧桂國損子產里百濮九菌

六者南蠻

之別名

請令以珠璣珉琯象齒文犀翠羽菌鶴短狗為

獻

璣似珠而小菌鶴可用為旌翳短狗狗之善者也

正西崑崙狗國鬼親枳

已關耳貫胃雕題離丘漆齒

九者西戎之別名也關耳貫胃雕題漆齒等亦

因其事以名之也

請令以丹青白旄紕剡江歷龍角神龜為

獻

江歷珠名龍解角得也

正北空同大夏莎車姑他旦略貌胡

戎翟匈奴樓煩月氏熾犁其龍東胡

十二者北狄之別名也戎狄在

西北界戎翟之間國名也

請令以橐駝白玉野馬駒駱駝驥良弓

為獻湯曰善

逸周書卷第七終

逸周書卷第八

晉

孔晁注

明 新安程榮校

祭公解第六十

王若曰祖祭公

祭公周公之後昭穆於穆王在祖列

次予小子虔虔在

位

虔敬

昊天疾威予多時溥愆

溥大也言昊天疾威於我故多是過失

我

聞祖不豫有加予維敬省不弔天降疾病予畏之威

公其告予懿德

予至也言已道不至故天下病王畏守不美懿美也

祭公拜手

稽首曰天子

拜手頭至手稽首頭俯地

謀父疾維不瘳朕身尚在



茲朕魂在于天

謀父祭公名我魂在於天言必死也

昭王之所勗宅天

命

言雖魂在天猶明王之所龜君天下之事也

王曰嗚呼公朕皇祖文王

烈祖武王度下國作陳周維皇上帝度其心真之

明德

下國謂諸侯也天度其心所能真明德於其身也

付俾於四方用應受

天命敷文在下

付與四方受命於天而敷其文德在下土也

我亦維有若

文祖周公暨列祖召公茲申予小子追學於文武之

茂

言已追學文武之徵德此由周召分治之化也

周克龕紹成康之業以將

天命用夷居之大商之衆

將行夷干也言大商本其初也

我亦維有

若祖祭公之執和周國保乂王家

執謂執其政也

王曰公稱

丕顯之德以予小子揚文武大勲弘成康昭考之烈

稱謂舉行也昭考昭王穆王之父也王曰公無困我哉俾百僚乃心率

輔弼予一人言公當使百官相率和祭公拜手稽首

曰允乃詔畢桓于黎民般般樂也言信如王告盡治民樂政也乃汝汝王也

公曰天子謀父疾維不瘳敢告天子皇天改大殷之

命維文王受之維武王大尅之咸茂厥功茂美也文王以受命

為美武王以克殷為美故曰咸也維天貞文王之重用威亦尚寬壯

厥心康受乂之式用休貞正也重之用威伐崇黎也既尅之而安受治之其治用

美也亦先王茂綏厥心敬恭承之維武王申大命戡厥

敵言武王申文王受命之意而勝殷也公曰天子自三公上下辟于文

武文武之子孫大開方封于下土辟法也言我土法文武方大開國旁

布於下土天之所錫武王時疆土不維周之□□□后稷

之受命是求宅之錫與言天子武王是疆所受是大維周之開基大維后稷所受命是

長居此也維我後嗣旁建宗子不維周之始并旁建宗子立為諸侯

言皆始并大子之故也嗚呼天子三公監于夏商之既敗不則

無遺後難至于萬億年守序終之言當以夏商為戒大無後難之道守

其序而終也既畢不乃有利宗不維文王由之既終之則有利于宗

皆由文武之德也公曰嗚呼天子我不則寅哉寅哉寅敬也不則言

則汝無以戾口罪疾喪時二王大功戾反罪疾謂己所行也是二王

文武汝無以嬖御固莊后嬖御寵妾也莊正也汝無以小謀敗大

作小謂不法先王也大作大事也汝無以嬖御士疾大夫卿士言無親小

人疾后子汝無以家相亂王室而莫恤其外言陪臣執國命恤憂也外

謂王室之外也尚皆以時中又萬國言當盡用是中道治天下也嗚呼三

公汝念哉汝無泯泯勞芬厚顏忍醜時維大不弔哉

戒三公使念我與王也泯芬亂也忍行亂則厚顏忍醜也如是則大不善之也昔在先王我

亦維丕以我辟險于難不失于正我亦以免沒我世

先王穆父祭公所事也辟君也言我事先王遇大難正而不失故能以善沒世言善終嗚呼三

公予維不起朕疾汝其皇敬哉茲皆保之皇大也言當式敬我

言如此則天下皆安之曰康子之攸保勗教誨之世祀無絕不

我周有常刑康安也子之所宜安以善道勉教之則子孫有福不然則犯常刑也王拜

手稽首黨言王拜受祭公之黨言也三年則三公拜可知也

### 史記解第六十一

維正月王在成周昧爽召三公左史式夫王是穆王也戎夫左

史各也曰今夕朕寤遂事驚予遂成也行成事言驚夢宿欲知之也乃取

遂事之要戒俾戎夫言之朔望以聞集取要戒之言月巳日望於王

前讀之信不行義不立則哲士凌君政言君不行信義信義由智正故

哲士凌君之政也

禁而生亂皮氏以亡

禁義信則亂生皮氏古諸侯也諂諛

日近方正日遠則邪人專國政

好順人意為諂諛

禁而生亂

華氏以亡

華聚也亦古諸侯也

好貨財珍恠則邪人進邪人進

則賢良日蔽而遠

賢良不行貨故蔽遠

賞罰無位隨財而行夏

后氏以亡

桀由好財亡也

嚴兵而不口者其臣懾其臣懾而

不敢忠不敢忠則民不親其吏

不敢忠乃不仁下刑効其上故不親

始於親遠者寒心殷商以亡

紂以暴虐亡也

樂專於君者權

專於臣權專於臣則刑專於民

君荒於樂則權臣專斷用刑濫矣

君

娛於樂臣爭於權民盡於刑有虞氏以亡

專則致爭而刑殺之

盡彼刑也有虞商均之後奉孤以專命者謀主必畏其威而疑其

前事謀主謂孤長大也前事謂專命挾德而責數日疏位均而爭平

林以亡挾其見奉之德而責其前專命大臣有錮職

譁誅者危昔者質沙三卿朝而無禮君怒而久拘之

譁而弗加錮職謂事專權也譁卿謀變質沙以亡有三卿諸侯可知也

外內相間下撓其民民無所附三苗以亡弱小在疆

大之間存亡將由之則無天命矣不知命者死無天命命

在疆壯者也知命則大不知命則足以亡矣有夏之方興也扈氏弱而不

恭身死國亡有夏敬也戰於其威扈也嬖子兩重者亡昔者義渠

氏有兩子異母皆重

王不別長庶寵秩同也

君疾大臣分黨而

爭義渠以亡

各有所事而爭力也

功大不賞者危昔平州之功

大而不賞諂臣日賞貴功日怒而生變平州之君以

走出

有功不賞而貴諂臣有德不官而任奸佞宜其出走也

召遠不親者危昔

有林氏召離戎之君而朝之

林氏諸侯

至而不禮留而弗

親離戎逃而去之林氏誅之天下叛林氏

天下見其遇戎不以

禮遂叛林氏林氏孤危也

昔者曲集之君伐智而專事彊力而不

賤其臣忠良皆伏

伏智自足也謂不為之用

愉州氏伐之君孤而

無使曲集以亡

曲集愉州皆古諸侯

昔者有巢氏有亂臣而貴



任之以國假之以權擅國而主斷委之政也君已而奪之

臣怒而生變有巢以亡東政則專立殺則多恐雖君奪其政懼禍見及故作亂也

斧小不勝柯者亡昔有鄆君蓄儉滅爵損祿羣臣卑

讓上下不臨柯秉所以喻君斧所以用喻臣臣無爵祿君所在不臨言不相承奉也後

口小弱禁罰不行重氏伐之鄆君以亡兩弱不能行合久空

重位者危昔有共工自賢自以無臣久空大官言無任已

臣者故空官也下官交亂民無所附唐氏伐之共工以亡無大

臣故小臣亂也君凶於上臣亂於下民無所依堯遂流之犯難爭權疑者死昔有

林氏上衡氏爭權爭為犯難不果為疑林氏再戰弗勝上衡氏

偽義弗克俱身死國亡

林氏時勝上衡氏  
怠義所以俱亡

知能均而

不親並重事君者危昔有南氏有二臣貴寵力鈞勢

敵竟進爭權下爭朋黨君弗禁南氏以分

二臣勢鈞  
而不親權

重養徒黨所  
以分國也

昔有果氏好以新易故故者疾怨新故

不和

有果亦  
國名也

內爭朋黨陰事外權有果氏以亡

外權  
謂外

大爵重祿輕比口不成者亡昔有畢程氏損祿增爵

群臣貌匱比而戾民畢程氏以亡

有位無祿取名自  
成民不堪求比而

罪好變故易常者亡昔陽氏之君自伐而好變事無

故業官無定位民運於下

運亂  
移也

陽氏以亡業形而復

者危昔穀平之君慢類無親破國弗尅業形用國恨

類戾也國不勝彼以刑為業也外內相援穀平以亡武不止者亡昔

阪泉氏用兵無已誅戰不休并兼無親文無所立智

士寒心無親謂并兼之也無文德故智士寒心也徙居至于獨鹿諸侯畔

之阪泉以亡獨鹿西戎地名徙都失處故亡也狠而無親者亡昔者

縣宗之君狠而無聽不納忠言執事不從宗職者疑發大

事群臣解體皆有違心國無立功縣宗以亡昔者玄都賢

鬼道廢人事天求祥神也謀臣不用龜策是從神巫用國

哲士在外玄都以亡棄賢任巫所以亡也文武不行者亡昔者

西夏性仁非兵

性仁而無文德非兵而無武備

城郭不脩武士無位

惠而好賞屈而無以賞

無功盡賞財無可用

唐氏伐之城郭不

守武士不用西夏以亡

唐氏堯帝

美女破國昔者績陽疆

力四征重丘遺之美女

重丘之君畏其并已惑之以女

績陽之君悅

之熒惑不治大臣爭權遠近不相聽國分為二

君昏於上

權分於下所為二也

宮室破國昔者有洛氏宮室無常池園廣

大工功日進以後更前民不得休農失其時

二進功則民困

矣以工取宮賢林退矣

饑饉無食成商伐之有洛以亡

湯號曰成故曰

湯成

職方解第六十二

職方氏掌天下之圖辨其邦國都鄙四夷八蠻七閩

九貉五戎六狄之人民

此在周官大司馬下蕭穆王使有司抄出之欲時省馬國

邑曰鄙東方曰夷南方曰蠻皆狄蠻之別貉夷之別八七九五六見非一之言也

與其財用

九穀六蓄之數周知其利害乃辨九州之國使同

利貫事

東南曰揚州其山鎮曰會稽其藪澤曰具區其

川三江其浸五湖其利金錫竹箭其民二男五女其

畜宜雞狗鳥獸其穀宜口口

箭篠也九州土氣生民女各不同鳥獸山澤所

育之屬也

正南曰荊州其山鎮曰衡山其澤藪曰雲夢其

川江漢其浸潁湛其利舟銀齒革其民一男二女其

畜宜鳥獸其穀宜稻河南曰豫州其山鎮曰華山其

澤藪曰圃田其川熒雒其浸陂澹華山西岳其利林漆絲

泉其民二男三女其畜宜六擾其穀宜五種家所畜曰擾五

種謂黍稷穀麥稻也正東曰青州其山鎮曰沂山其澤藪曰望

諸其川淮泗其浸沂沐其利蒲魚其民二男三女其

畜宜鷄犬其穀宜稻麥河東曰兗州其山鎮曰岱山

其澤藪曰大野其川河涕其浸盧維其利蒲魚其民

二男二女其畜宜六擾其穀宜四種四種黍稷稻麥正西曰

雍州其山鎮曰嶽山其澤藪曰彊蒲其川涇納其浸

渭洛其利玉石其民三男二女其畜牛馬其穀宜黍

稷嶽異嶽也東北曰幽州其山鎮曰醫無閭其澤藪曰貍

養其川河沛其浸菑時其利魚鹽其民一男三女其

畜宜四擾其穀宜三種四擾牛羊馬豕三種黍稷稻也河內曰冀州

其山鎮曰霍山其澤藪曰揚紆其川漳其浸汾露其

利松柏其民五男二女其畜宜牛羊其穀宜黍稷謂所

河內者正北曰并州其山鎮曰恒山其澤藪曰昭餘祁

其川虜池嘔夷其浸涑易其利布帛其民二男三女

其畜宜五擾其穀宜五種

五擾牛馬羊豕犬五種黍稷菽麥麻

乃辯九

服之國方千里曰王圻

圻界也

其外方五百里為侯服

為王者斥侯也口言服正事也

又其外方五百里為甸服

甸田也治田又入穀

也又其外方五百里田男服

男任也任王事

又其外方五百

里為衛服

為王扞衛也

又其外方五百里曰蠻服

用事差簡慢

又其外方五百里為鎮服

□□□□

又其外方五百里

為藩服

藩服屏四境也

凡國公侯伯子男以周知天下凡拜

國大小相維王設其牧

周偏維持也牧謂牧御天下之政教

制其職名

以其所能

連率牧監合任能也

制其貢各以其所有

土地所有乃貢之



王將巡狩則戒于四方曰各脩平乃守考乃職事無

敢不敬戒國有大刑

考成也不敬則犯大刑也職方所

及王者之所

行道率其屬而巡戒命王殷國亦如之

王十二歲一巡狩職方自

所戒之命其不巡狩六日盡朝朝謂之殷國也述命亦如巡狩也

逸周書卷第九

晉 孔晁注

明 新安程榮校

芮良夫解第六十三

芮伯若曰予小臣良夫稽道謀告

伯爵若順也順其事而告之也

子

惟民父母致厥道無遠不服無道左右臣妾乃違

無道

無德政違戾也

民歸于德德則民戴否則民離茲言允効于

前不遠

言驗於前世不遠言近

商紂不道夏桀之虐肆我家

舉桀紂惡滅亡為戒也

嗚呼惟爾天子嗣文武業惟爾執政小

子同先王之臣昏行口顧道王不若同為昏闇言專教王為不順

利作威佐亂進禍民將弗堪專利侵民佐亂進於禍也治亂信乎

其行惟王暨爾執政小子攸聞行善則治行惡則亂皆所聞知古人

求多聞以監戒不聞是惟弗知言古人患不聞故有所不知也后除

民害不惟民害害民乃非后惟其讎害民是與民為怨讐后作

類后弗類民不知后惟其怨言民不從上命從其所行類善也不知君則怨

深矣民至億兆后一而已寡不敵衆后其危哉言上下無義對

共相怨則寡者危也嗚呼口口口如之人養食之則擾服雖家畜不養則畏人治民亦

也今爾執政小子惟以貪諛為事不懃德以備難專利

為貪曲從為諛下民胥怨財單竭手足靡措弗堪戴上不其

亂而言民相與怨上上加之以予小臣良夫觀天下

有土之君有土謂之厥德不遠罔有代德言無遠德

也是國人時為王之患其惟國人為患也嗚呼惟爾執政朋

友小子其惟洗爾心改爾行克憂往愆以保爾居洗

改行憂往過則安爾之居位爾乃賸禍翫裁遂弗悛余未知王之

所定矧乃口口賸陽不聞詭心不惕悛改矧况也尚

惟禍發於人之攸忽於人之攸輕口不存焉變之攸

伏言人所輕忽則禍爾執政小子不圖善偷生苟安

爵以賄成

苟且無遠慮賄賂不任德

賢智箝口小人鼓舌逃害要

利並得厥求唯曰哀哉

賢者得默以逃害小人佞諂以要利各得其求君子為之

哀者

我聞曰以言取人人飾其言以行取人人竭其

行飾言無庸竭行有成

君子不以言舉人無功故也欲行有成故也

惟爾

小子飾言事王寔蕃有徒王貌受之終弗獲用面相

誣蒙及爾顛覆

蕃多徒衆言非一也貌謂外相悅而無實也君臣之相誣蒙必相及共顛

覆之

爾自謂有餘予謂爾弗足敬思以德備乃禍難

言其不足於道義也以用也乃汝也

難至而悔悔將安及無曰予為惟

爾之禍

為不言也

太子晉解第六十四

晉平公使叔譽于周見太子晉而與之言

叔譽者大夫叔向也

周靈王太子名晉也

五稱而五窮遂巡而退其不遂

五稱說五事遂終也

歸告公曰太子晉行年十五而臣弗能與言

告平公稱其賢

才也君請歸聲就復與田若不反及有天下將以為誅

聲就復與周之二邑也

平公將歸之師曠不可曰請使

瞑臣往與之言若能蒙予反而復之

師曠晉大夫無目故稱瞑蒙復

也度謀還與否也

師曠見太子稱曰吾聞王子之語高於泰

山夜寢不寐晝居不安不遠長道而求一言

言高於泰山言

無上也。不安至飢渴也。

王子應之曰吾聞太師將來甚喜而又

懼吾年甚少見子而懾盡忘吾其度

懾而亡度所以為謙

師曠

曰□□□吾聞王子古之君子甚成不驕自晉始如

周行不知勞

有成德不以驕易也

王子應之曰古之君子其行

至慎天下施關道路無限百姓悅之相將而遠遠人

來驩視道如尺

言己不及古君子尺逾近

師曠告善又稱曰古之

君子其行可則由舜而下其孰有廣德

問舜已下可法則之君子

也王子應之曰如舜者天舜居其所以利天下奉翼

遠人皆得已仁此之謂天

言其仁合天道

如禹者聖勞而不

居以利天下好取不好與必度其正是謂之聖

盡力溝洫

勞也貪財利篤其功念聖道也

如文王者其大道仁其小道惠三分

天下而有其二敬人無方服事於商既有其衆而返

失其身此之謂仁

以口仁德人惠懷之行無常唯賢所在勞謙恭儉日夜不息返失之

也如武王者義殺一人而以利天下異姓同姓各得

之謂義

一人糾也儀善

師曠告善又稱曰宣辦各命異姓惡

方王侯君公何以爲尊何以爲上

問其事儀

王子應之曰

人生而重丈夫謂之胄子胄子成人能治上官謂之

士胃士率衆時作謂之曰伯伯能移善於衆與百姓



同謂之公

作謂農功同謂好義

公能樹名與物天道俱謂之侯

侯能成群謂之君

立名生物謂化施於民也成謂成物羣謂之為長也

君有廣

德分任諸侯而敦信曰予一人

敦厚也

善至于四海曰

天子達於四荒曰天王

四海四夷四荒四春

四荒至莫有怨訾

乃登為帝

訾嘆恨也合五等之尊卑而論事義以為之名者也

師曠罄然又稱

曰温恭敦敏方德不改聞物口口下學以起尚登帝

臣乃參天子自古誰

罄然自嚴肅也方道初本也起其物義也問最賢之人也

王

子應之曰穆穆虞舜明明赫赫立義治律萬物皆作

分均天財萬物熙熙非舜而誰能

律法也謂致其物也熙熙和盛言舜

臣堯功德如此也

師曠東躅其足曰善哉善哉

東躅 禮也

王子曰

太師何舉足驟師曠曰天寒足躅是以數也

驟亦數也 王子

戲問故 曠戲答

王子曰請入坐遂敷席注瑟師曠歌無射曰

國誠寧矣遠人來觀修義經矣好樂無荒

交言於堂 故更入燕

室坐歌此辭而音 合於無射之律

乃注瑟於王子王子歌嶠曰何自

南極至于北極絕境越國弗愁道遠

嶠曲名也 師曠 作新曲美王子

也王子迷 舊曲諫也

師曠蹶然起曰暝臣請歸

蹶然 疾貌

王子賜之

乘車四馬曰太師亦善御之

禮為天子三賜不及者 馬此賜則自王然後行

可知

師曠對曰御吾夫之學也王子曰汝不為夫時

詩云馬之剛矣轡之柔矣馬亦不剛轡亦不柔志之

塵塵取予不疑以是御之

馬不剛轡不柔言和擾也塵塵亦和擾也不疑和之

也心師曠對曰暝臣無見為人辯也唯耳之恃而耳又

寡聞而易窮王子汝將為天下宗乎

辯別也為人有所別唯恃耳也

宗尊也天下所尊則有明王者也

王子曰太師何汝賤我乎自太師

以下至于堯舜禹未有一姓而再有天下者夫大當

時而不伐天何可得

言自庖犧至禹其子孫未有明運當時斯不立矣言周衰未盡

已必不立也

且吾問汝之人年長短告吾師曠對曰汝聲

清汗汝色赤白火色不壽

清角也言音汗沈木木生火色赤知聲音者則色亦然

王子曰吾後三年上賓于帝所汝慎無言口將及汝

言死必為賓于天帝之所鬼神之神則王子之事不欲令人知之也 師曠歸未及三年

告死者至 未及三年并歸之年為三年則王子年十七而卒也

### 王佩解第六十五

王者所佩在德德在利民民在順上 言以利民為德也天子事天所

以威下使事上 合為在因時應事則易成 得時所為合應為其機 謀成

在周長有功在力多 周忠信也力多則功多也 昌大在自克不過

往數懲 以義勝欲得昌大數有懲艾則無過也 不困在豫慎見禍在未

形 事未成而豫 除害在胞斷安民在知過用兵在知

慎則不困也

時能斷所不思也知過輒改民將安生時謂可伐時也勝大患在合人心殃毒

在信疑舉合民心何患之有哉孽子在聽內化行在知和內聽於孽

孽而吐於中言宜其生災也可否相濟曰和施舍在平心不幸在不聞其

過施謂施惠舍謂赦罪聖人福在受諫基在愛民固

在親賢受諫則無非故福以愛民為基親賢人則固明君之義也禍福在所密利

害在所近存亡在所用所與密背親近所利用皆忠良則福利生反是則禍害至

離合在出命尊在慎威安在恭已危亡在不知時教命

善則事合否則人矣威得其宜則尊樂已不安則安時謂天時得其時也見善而怠時至

而疑亡正處邪是弗能居此得失之方也不可不察

怠懈墮不能行也疑由豫不果也邪奸術也  
慮奸術是不居大之道也乃是得失之道也

### 殷祝解第六十六

湯將放桀于中野

此事不然矣或者欲解之

士民間湯在野皆委

貨扶老携幼奔國中虛

言桀國中空無人又不然矣

桀請湯曰國

所以爲國者以有家家所以爲家者以有人也今國

無家無人矣君有人請致國君之有也

此國爲天下也

湯曰

否昔大帝作道明教士民今君王滅道殘政士民惑

矣吾爲王明之

大帝謂禹明禹之事於士民也

士民復致於桀曰以

薄之居濟民之賤何必君更

此士民辭也薄湯所居也言與君更與桀徙避

湯 桀與其屬五百人南徙千里止於不齊民往奔湯

於中野不齊地名 桀復請湯言君之有也湯曰否我為君

王明之士民復重請之桀與其屬五百人徙於魯魯

士民復奔湯魯亦地名 桀又曰國君明之士民復奔湯亦魯

地名 桀又曰國君之有也吾則外人有言彼以吾道是

耶我將為之言桀以此辭勸勉湯者也 湯曰此君王之士也君王

之民也委之何湯不能止桀必欲去也 湯曰欲從者從君

桀與其屬五百人去居南巢之地名 湯放桀而復薄三千諸

侯大會大會民薄 湯退再拜從諸侯之位湯曰此天子位

有道者可以處之

讓諸侯之有道者

天子非一家之有也有

道者之有也故天下者唯有道者理之唯有道者紀

之唯有道者宜久處之

久處久居天子之位

湯以此讓三千諸

侯莫敢即位然後湯即天子之位

三千諸侯勸之也

與諸侯

誓曰陰勝陽即謂之變而天弗施

逆天道故不施

雌勝雄即

謂之亂而人弗行

雌勝雄女凌男之異逆人道故不行焉

故諸侯之治

政在諸侯之大夫治與從

言下必順上所以教治也

### 周祝解第六十七

曰維哉其時告汝不聞道恐為身災

言所以告汝不聞道為身灾也



謹哉民乎朕則生汝朕則形汝告以善道是生之朕是以教之以法也

則經汝朕則亡汝朕則壽汝朕則名汝經紀汝昌阜汝殺亡汝為

汝請命名汝善惡也故曰文之美而以身剝自謂智也者故不

足狐貉俱以文受害人自賢則愚惡返見也角之美殺其牛榮華之言後

有茅言牛以角死虛言致穢也凡彼濟者必不怠觀彼聖人必趣

時以不怠故濟以趣時故聖石有玉而傷其山萬民之患在口言

山以有玉故傷人以口言受惠時之行也勤以徙不知道者福為禍

不徙以及時人故失其福也時之徙也勤以行不知道者以福亡

行謂與時偕行故曰肥豕必烹甘泉必竭直木必伐以其供人用自

然地出物而聖人是時鷄鳴而人為時觀彼萬且何

為求

萬物自然不為人求聖人則之如因鷄鳴以識時也

故天有時人以為正

地出利而民是爭

正謂敬授民時也爭謂爭其斂之也

人出謀聖人是

經陳五刑民乃敬

經經度之也敬上命也

教之以禮民不爭被

之以刑民始聽因其能民乃靜

有禮則讓故不爭聽順靜服謂不為亂也

故狐有牙而不敢以噬獮有蚤而不敢以擻

喻人小不能不

敢望大官亦求自盡而已也

勢居小者不能為大

雖有英材勢不便故

特欲

正中不貪其害凡勢道者不可以不大

不貪害也中正不立不大

其度至道不行也

故木之伐也而木為斧賊難而起者自近

者因木以伐木二人同術誰昭誰暝二虎同穴誰死

誰生成者能昭故虎之猛也而陷於獲人之智也而

陷於詐虎以食陷葉之美也解柯柯之美也

離其枝枝之美也拔其本儼矢將至不可以無盾此言

飾末業覆本質也盾喻為人當有所備護故澤有獸而焚其草木大威將

至不可為巧焚其草木則無種大威將至不可以為

勇言亦貨以危身故天之生也固有度國家之患離

之以故以言患因事地之生也固有植國家之患離

之以謀植立也有故時之還也無私貌日之出也無

私照

還謂至也貌謂無實時至並應日出普照也

時之行也順至無逆為

天下者用大略

言當以大畧順時也

火之燁也固定上為天下

者用牧

燁然也火曰炎上牧謂法也

水之流也固走下不善故有

桴

桴所擊鼓也言惡政由於發者也

故福之起也惡別之禍之起也

惡別之

惡於何也言其微也

故平國若之何須國覆國事國孤

國屠皆若之何

覆滅也事謂事無役也孤謂無謂屠為人分裂也

故日之中

也日月之望也食威之失也陰食陽善為國者使之

有行

食謂毀明而生魄也天跌也以日蔽於陰喻君行失道

是彼萬物必有常

國君而無道以微亡

微以積小以致滅亡者也

故天為蓋地為軫

善用道者終無盡地為軫天為蓋善用道者終無害

言困道動靜去天地

天地之間有滄熱善用道者終不竭滄寒竭盡

陳彼五行必有勝天之所覆盡可稱

言五行相勝以生成萬物盡可

稱名之也

故萬物之所生也性於從萬物之所及也性於

同

從謂立也始異終故曰反也

故惡姑幽惡姑明惡姑陰陽惡姑

短長惡姑剛柔

姑者且也言幽明之相代陰陽之變易短長之相形剛柔之相生始終之

道故海之大也而魚何為可得山之深也虎豹貔貅

何為可服

言皆以貪餌自中鈞檻也

人智之邃也奚為可測跂動

噦息而奚為可牧

誠於事故可測牽於事故可牧

玉石之堅也奚可

刻言服飾之窮物也陰陽之號也孰使之牝牡之合也孰交

之君子不察福不來言陰陽之稱號牝牡之交合皆自然也君子察自然之理則福

也故忌而不得是生事故欲而不得是生詐生事謂變也生

詐謂詐為求之欲伐而不得生斧柯欲鳥而不得生網羅欲

彼天下是生為所以生成所欲也謂云為之事也維彼幽心是生包

維彼大心是生雄維彼忌心是生勝包謂包截陰謀雄謂雄桀於人

也勝謂勝所忌皆惡忌事也故天為高地為下察汝躬奚為喜怒

天為古地為久察彼萬物名於始言法天地則喜怒無錯推古久則萬

始可知也左名左右名右視彼萬物數為紀紀之行也利

而無方行而無止以觀人情名以左若則物以數為紀紀則生利利以利情

也利有等維彼大道成而弗改用攸夫道知其極加

諸事則萬物服差等也大道天道也極中也事業也用其則必有群加

諸物則為之君羣類舉其修則有理加諸物則為天子

修長也謂綱例也

逸周書卷第九終

逸周書卷第十

晉

孔晁注

明 新安程榮校

武紀解第六十八

幣帛之間有巧言令色事不成車甲之間有巧言令色事不捷克口事而有武色必失其德臨權而疑必離其災口口不捷智不可口口於不足并於不幾則始而施幾而弗免無切國有三守卑辭重幣以服之弱國之守也修備以待戰敵國之守也循山川之儉



而固之僻國之守也伐服不祥伐戰危伐險難故善  
伐者不伐三守伐國有六時五動四順間其疏薄其  
疑推其危扶其弱乘其衰暴其約此謂六時扶之而  
不讓振之而不動數之而不服暴之而不革威之而  
不恐未可伐也此謂五動立之害毀之利克之易并  
之能以時伐之此謂四順立之不害毀之不利唯克  
之易并之不能可伐也立之害毀之未利克之難并  
之不能可動也靜以待衆力不與爭權弗果據德不  
肆國若是而可毀也地荒而不振德衰而失與無苦

而危矣求之以其道口口無不得爲之以其事而時  
無不成有利備無患事時至而不迎大祿乃遷延之  
不道行事乃困不作小口動大殃謀有不足者二仁  
廢則文謀不足勇廢則武謀不足備廢則事謀不足  
國有本有幹有權有倫質有樞體土地本也人民幹  
也敵國佯交權也政教順成倫質也君臣和口樞體  
也土地未削人民未散國權未傾倫質未移雖有昏  
亂之君國未亡也國有幾失居之不可阻體之小也  
不果隣家難復飾也封疆侵凌難復振也服國從失

難復扶也大國之無養小國之畏事不可以本權失  
口家之交不可以枉澁失隣家之交不據直以約不  
虧體以陰不可虞而奪也不可策而服也不可親而  
侵也不可摩而測也不可求而循也施度於體不慮  
費事利於國不計勞失德喪服於隣家則不顧難矣  
交體侵凌則不顧權矣封疆不時得其所無爲養民  
矣合同不得其位無畏患矣百姓屈急無藏畜矣擠  
社稷失宗廟離墳墓困鬼神殘宗族無爲愛死矣卑  
辭而不聽口財而無枝計戰而口足近告而無顧告

過而不悔請服而不得然後絕好于閉門循險近說  
外授以天命無爲是定亡矣凡有事君民守社稷宗  
廟而先衰亡者皆失禮也大事不法弗可作法而不  
時弗可行時而失禮弗可長得禮而無備弗可成舉  
物不備而欲口大功於天下者未之有也勢不求周  
流舉而不幾其成亡薄其事而求厚其功亡內無文  
道外無武迹往不復來者有悔而求合者亡不難不  
費而致大功故令未有據名而不辱應行而不困唯  
禮得之而無逆失之而無咎唯敬成事而不難序功

而不費唯時勞而有成費而不亡唯當施而不拂成  
而有權久之而能口唯義不知所取之量不知所施  
之度不知動靜之時不知吉凶之事不知困達之謀  
疑此五者未可以動大事恃名不久恃功不立虛願  
不至妄爲不祥太上敬而服其次欲而得其次奪而  
得其次爭而克其下動而上資其力凡建國君民內  
事文而和外事武而義其形慎而殺其政直而公本  
之以禮動之以時正之以度師之以法成之以仁此  
之道也

銓法解第六十九

有三不遠有三不近有三不畜敬謀祇德親同三不遠也聽讒自亂聽諛自欺近熟自惡三不近也有如忠言竭親以爲信有如同好以謀易寇有如同惡合計掬慮慮泄事敗是謂好害三不畜也

器服解第七十

明器因外有三疲二用器服數犢四楛禁豐一籛天韋獨食器瓦無逆膏候屑侯樂鈔璪參冠一竿皆素獨二丸弇焚菜膾五昔纁裏桃枝素獨蒲簟席皆素芥

獨巾玄纁綏縞冠素紕玄冠組武卷組纓象口口瑱  
絺紳帶象玦朱極韋素獨簞籥捍次車羔冒口純載  
枉綫喪勤焚纓一給噐因名有三幾玄茵纁裏桃枝  
獨蒲席皆素布獨巾玄象玄純

昭德晁公武志

汲冢書十卷蓋晉太康中汲郡與穆天子傳同得晉  
孔晁注蓋孔子刪採之餘凡七十篇古者天子諸侯  
皆有史官唯書法信實者行于世秦漢罷黜封建獨  
天子之史存然史官或怯而阿世貪而曲筆虛美隱  
惡不足考信則儒學處士必私有記述以伸其志將  
來賴之以證史官之失其功亦大矣以司馬遷之博  
聞猶采數家之言以成其書况其下者乎亦有聞見  
單淺記錄失實冒臆偏私褒貶弗公誤後世在觀者



慎擇而已矣

晉孔晁注周書十卷按隋唐經籍志藝文志皆稱此書得於晉太康中汲郡魏安釐土冢孔晁注或稱十卷或八卷大抵不殊若此則晉以前初未有此也然劉向所錄及班固並著周書七十一篇且謂孔子刪削之餘而司馬遷史記武王克殷事蓋與此合豈西漢世已得入中秘其後稍隱學者不道及盜發冢□□幸復出邪篇目比漢但闕一耳必班劉司馬所□□已繫之汲冢失其本矣書多駁辯宜孔子所不取□□戰國處士私相綴續託周爲名孔子亦未見古章句

或舛訛難讀聊復傳寫以待是正巽巖李燾